

畿輔通志

卷二十三

內閣文庫		
漢書	三九六九	六九二
類號	冊	架

內閣文庫		
漢書	三九六九	六九二
類號	冊	架

(四冊)

內閣文庫		
番號	漢	3969
冊數	692 (40)	
函號	291	97



畿輔通志卷之第二十三

勲節名臣

淺草文庫

史東鑑

李大琦

李慶

蔣廷瓚

劉英

邱鵬

王驥

王翺

耿九疇

賈銓

張哲

馬昂

李敷

宋明

吳祥

馬謹


崔恭

孟鑑

王僅

白圭

李賓



董方

岳正

張春

張鵬

程信

王銳

張斌

芮釗

王復

李俊

李琚

李衍

耿裕

侯瓚

金純

王越

賈俊

龔遂榮

李東陽

于大節

郭璽

王崇之

董俊

鄭巳

王濬

段正

馬中錫

田景賢

田景賢

才寬

王濟

張舉

馬子聰

燕忠

傅珪

丁鳳

鄭宗仁

邊憲

孫博

胡瓚

張禴

邢昭

梁材

李緯

孫修

馮時雍

李玘

王純

王宸

韓澄

馮顯

孫緒

宋璉

徐璉

張璿

張欽

黃鍾

劉濟

朱裳

南壽

劉濂

趙廷瑞

袁宗儒

翟一鵬

史道

楊秦

陳儒

岳倫

王祚

石永

王本固

趙孔昭

賈衡

毛鵬

王好問

梁夢龍

張學顏

周京

李齊芳

申佐

張國彥

王時舉

石星

張鎬

戴才

鄭洛

楊行中

陳堯

史褒善

劉效祖

王儀

王遴

王命

福時

賈待問

田樂

苗淳然

姜璧

朱正色

國賊傅好禮

李化龍

牛惟炳

趙南星

黃吉士

王世揚

陳登雲

鹿久徵

張主敬

崔景榮

馮有經

馬經綸

馮盛明

王經邦

王永光

梁應澤

米萬鍾

田一井

李若珪

劉遵憲

魏純粹

孫承宗

成基命

王家楨

鹿善繼

李國楫

范景文

丁乾學

劉道亨

張棟

郭增光

侯拱辰

張鵬翀

路振飛

余繼登

傅永淳

陳居恭

吳孟明

袁葵

國朝

劉廷諫

袁懋功

劉捷

勲節名臣

明

史鑑

成安人洪武初以人才入太學暑夜讀書不輟太祖微行至異而問之鑑歛容對曰

臣食朝廷廩祿自當恪恭職業昔聖如大禹猶惜寸陰臣何敢虛曠以負作養上嘉其言論丰

采遂擢都御史時有宦寺謀干朝政者鑑上疏願鑒前史以防異日弄權之患上善其言時用

汰太繁疏言新國用輕典期以寬大御下上嘉納之

李琦

元氏人洪武初以明經行修授監察御史遷大理寺副丞樂初安南侵廣西地命琦

往琦以書喻順逆禍福安南感悟遂歸侵地還拜禮部侍郎後占城與安南交惡復命往喻兩

國遂和好歷官都御史掌院事卒於官予祭葬

李慶

順義縣人洪武時由國子生署都察院右僉都御史累官兵部尚書兼太子少保安

遠侯柳升征交趾慶泰督軍事至交趾卒慶剛
直敢為不畏強禦遇事有未便侃侃爭論當時
嚴憚之

蔣廷瓚

涪縣人少有學術識治體洪武中以才行
薦永樂中任貴州左布政使掘地得石匣

藏古劍一口瓚佩之所至長鳴每出則指示立
斷外無敢侮自是遠人歸化疆宇底寧功成召
還以劍獻于上歷

官工部侍郎卒

劉英

寶坻人洪武中仕為山西繁峙知縣廉能
守法深得民心後秩滿縣人詣闕乞留詔

復任仍命吏部書其
政績超羣曉示天下

邱鵬

唐縣人洪武時進士擢御史忠鯁清廉知
無不言言無不當後得罪籍其家止木匙

二張木筋五雙皆鄉物也上嘉
其清復官廣東廉憲祀鄉賢

王驥

字尚德東鹿人永樂丙戌進士授兵科給
事中奉命鎮山西奏蠲徐溝鹽課二十萬

就擢按察司副使洪熙元年召入尹順天宣德
二年陞行在兵部右侍郎屯兵真定又留守南

京九載晉兵部尚書正統二年阿台朶兒只伯
犯甘涼命驥整飭邊務至則先斬退縮將安敬

有功還上親慰勞之十月西彝復犯甘肅驥再
往大戰梧桐林獲全勝捷至命以尚書兼大理

寺卿支兩俸凱旋賜資甚渥正統六年命督定
西伯蔣貴軍征雲南麓川賊思任發因風縱火

焚賊敗大破之獻捷召還又振旅時以便互平
洞蠻帝郎羅于維摩土官沈政于富州將至京

上遣官迎勞于臨清既入寵賚有加封靖遠伯
居無何聞遁渠思任發匿緬甸上曰不免勞卿

再一行驥至金齒遣人諭降土酋放革等二十
餘寨散賊黨羽即遣千戶田貴往緬甸促送思

任發至軍前緬人有異謀驥都舟師破于金沙
江捷聞召班師尋命巡視三邊還優加賞勞久

之思任發等復據孟養寨為逆仍命驥總督軍
事率都督宮聚等往討大破于鬼哭山思任發

等死南徼以寧景泰元年加平南將軍就近平
苗賊事竣乞還命總督機務鎮守南都景泰三

年解機務居金陵次年乞歸仍留都邸奉朝請
 天順元年憲宗復辟驥入賀命為兵部尚書
 事兩月乞骸骨歸驥前後出師萬餘里勞勩十
 年以文官而賜爵券始終承恩寵終明之世惟
 驥與王文成兩人爾

王

翱

字九臯鹽山人永樂乙未進士改庶吉士
 甲辰授大理寺左寺正宣德丙午楊士奇


薦為山東道御史剛果孤介風采凜然陞都察
 院右僉都御史正統己未四川松藩賊為亂命
 將往征翱監其軍威聲大振賊率所部來降壬
 戌遼東邊務弗緝朝廷深以為憂特勅翱以提
 督軍務往許便宜行事翱至前屯總兵以下庭
 謁翱詰所以失機之由命左右悉曳出斬之再
 三哀請得免于是三軍股慄莫敢不用命癸亥
 九載秩滿陞左副都御史景泰三年勅取回京
 管都察院事時廣東西不靖復簡命總督兩廣
 軍務翱威望素重蠻部聞翱至各去逆効順事
 平回京遷吏部尚書英宗復辟有欲陷翱于罪
 者賴上素知其賢得無事事英宗寵眷日隆凡

用人行政必令翱與馬昂知而後行
 後以疾篤乞骸卒贈大保謚文肅

耿九疇

東鹿人明初父綱為盧氏教諭遂家焉登
 永樂中進士宣德初授禮科給事中正統

元年大臣言兩淮鹽法久敝必得慎重名行者
 往理之授九疇為鹽運司同知革敝與利公私
 稱便條奏均搭派節樣鹽二事著為令亾何丁
 內艱商民請闕乞留者三千人奪情陞運使廉
 儉嚴正門絕私謁楊士奇過淮上僅割一鷄為
 饌士奇重之時軒輓為浙江廉使剛介有聲而
 九疇與齊名嘗坐水傍有童子曰此水雖清不
 及使君一半判官薛華牒送鹽商于戶部重列
 給鈔姓名部糾劾之命法司逮治勅主事陳汝
 言往究其事汝言奏九疇等受賄冒支下法司
 問罪既察誣得釋時鹽運同知葉思銘者與九
 疇同心守法不畏強禦至是並逮上既察釋九
 疇楊士奇亦力薦之遂留為刑部右侍郎而思
 銘亦復官九疇餞而拊之曰無因蹶而隳思銘
 竟為良吏九疇在刑部屢出疑獄左侍郎
 號精法律謂不及也尋獨領部事景泰卽



州饑旱流民渡淮者衆彼此不相安命九疇巡
視安置九疇為聯婚姻教樹畜與士著相輯睦
者七萬戶境內晏如復命兼理兩淮鹽法奏罷
歲漕江南羨米易鹽以發正課公私稱便尋命
巡撫揚廬淮安滁和諸府州審錄大辟多所原
宥代還命鎮守陝西威望益著邊將請添兵臨
洮諸衛下九疇議九疇言邊城士卒不少倘將
帥善馭之一可當百不然徒冗食耳增兵何益
竟如其議初邊民春夏出就田作秋冬輒徙入
疇言設將所以禦寇衛民也今民皆避寇失業
將安用彼將哉凡將不能衛民者當重罪之轉
右副都御史仍鎮其地守臣逮耀州民三百餘
謬謂倡妖悉坐死九疇曰狂民妄言實非反也
悉減論天順初總憲缺人石亨曹吉祥有所薦
上不可舉九疇以問李賢賢曰陛下得之矣遂
驛召至京特陞右都御史賜見便殿嘉獎甚至
蒞任未幾遂欲與諸御史謀劾石亨事洩被訐
下獄及廷辯自引出為江西右布政使尋陞四
川左布政使明年召還之拜禮部尚書既而憐
其衰老移南刑部居一年病卒上嗟嘆良久曰

李可
遠
可惜此老朕優之干南而
亡耶子祭奠謚清惠

賈
銓
字秀納邯鄲人永樂時進士擢刑科給事
中蜚聲諫垣當道者嫉之出知大理府恩

威兼著會征麓川銓料理軍需用師數年事集
而民不擾靖遠伯王驥薦于朝累遷雲南布政
使久任成功後陞都察院左副都御史巡撫山
東河南別歷中外勲業日偉召掌院事以疾卒
遣官諭祭
謚恭靖

張
哲
蠡縣人永樂中進士任大理寺評事有曾
氏婦寡私與人通忌其子誣以不孝繫獄

哲疑之屬獄卒出他囚尸誑婦曰汝子死矣令
人伺之見婦與一人相喜笑即捕訊之得其情
子以釋時大旱是日雨成以為洗冤雨陞江西
按察司僉事適巨寇葉宗流等竊發山東勅哲
督軍平之獻捷賜金帶陞巡撫雲南僉都御史未幾卒

馬
昂
字景高滄州人永樂時舉人入國子監宣
德時授鴻臚寺序班正統時用廷臣薦陞

監察御史特陞刑部右侍郎未幾改右副都御
 史叅贊甘肅軍務時都督王喜玩寇失機昂至
 効之官軍畏服先是赤斤蒙古罕東等衛番族
 恣肆鈔掠至強劫貢物昂受命討之擒其偽祁
 王鎖南奔械送京師自是番人不敢近邊已已
 邊人寇甘州昂令人清野堅壁簡精銳選騎射
 躬擐甲胄出屯山隘敵聞遁去景泰初引疾致
 仕兩廣蠻寇擾攘起昂總督兩廣軍務昂剿其
 為暴害者生擒偽將軍周鐵盛盤等獻俘陞左
 都御史天順時以人言再致仕及入見復留命
 巡察邊境比還陞兵部尚書陝西邊警甚急命
 昂為總督刻日出師是夕曹欽反昂討之欽伏
 誅進太子少保仍掌兵事自是寵待特厚賞賚
 歲無虛月凡進退廷臣上必咨焉憲宗嗣位信
 任益篤調戶部尚書尋奉勅點驗軍士乃分精
 銳為十二營以脩調用又籍軍師之賢否而黜
 陟之年七十以災異引退
 歸八年卒贈少保謚恭襄

李

敦

涿州人永樂中為戶部主事歷江西四川
 叅議累遷四川布政使在官廉敏黜奸扶

善威惠並行性剛直人有犯法繩之不少貸蜀
 人稱為鐵面李正統中召為吏部左侍郎以疾
 卒

宋

明

字惟遠濬縣人初授戶部主事督臨清倉
 儲監備中官其恣橫明裁以法宿弊頓革

中官濫乞庄田於保定容城諸縣上命明往按
 之抗疏以聞事卒不行陞兩浙轉運使杜絕私
 謁僚友有暮夜餽金者正色斥
 之浙人呼為鐵宋官至叅政

吳

祥

蠡縣人永樂中知嵩縣為政寬和逋民自
 歸者二百餘戶縣有猛虎劫賊之害祥禱

神祈逐未幾虎遂獲賊黨潰散邑以靖秩滿去
 吏民詣闕奏留許之在任三十二年卒于官

馬

謹

新樂人宣德丁未進士拜貴州道監察御
 史新樂人宣德丁未進士拜貴州道監察御

士楊士奇輔政不輕許可人知謹廉介贈之詩
 曰直道而行馬御史冰霜節操鐵心肝一庭竹
 色門如洗坐對清風到歲寒正統壬戌吏部缺
 驗封司郎中尚書郭璫推授之謹不阿勢要用

人悉遵常格尋陞湖廣右布政使司時所屬多
 淹獄久弗決御史閻寬以謹精於法律奏同審
 錄辯活者二千餘人已苗賊生亂廷推同御
 史侯爵往總軍事督糧餉衆議分兵勦殺謹曰
 苗之叛逆實有司橫斂所至盡殺之傷國家好
 生之德盡先傳檄申諭有能降者安輯之如負
 固弗服分兵討之未晚也衆皆稱善及諭之來
 降者數千人悉布郡縣給賑各得其所督兵四
 出所至皆平先後奪回被擄婦女俱安輯完聚
 論功轉左布政使陞都察院左副都御史巡撫
 河南奏覈所屬官吏務愜
 公論以老乞致仕許之

崔

恭

廣宗縣人字克讓通易書禮三經九歲舉
 秀才宣德時進士授戶部主事提督延綏
 邊儲薦知萊州府威惠大行百姓歌曰古之楊
 今之崔蓋伯起故萊刺史云陞湖廣右布政使
 息叛苗安流民擅相殺者尋轉左江西陞右副
 都御史巡撫南畿所興革皆經久便民拔幽洗
 冤濬儀真瓜州諸漕河轉吏部左侍郎晉尚書
 置勸懲簿籍人材賢否而黜陟之一時品裁清

宋

允以毋憂歸服除召補南吏部奉勅叅贊守脩
 機務剔蠹肅屬遠近凜然已屢疏乞歸璽書褒
 嘉士紳榮之歸惟屏居手一編自怡再踰年卒
 其夕存大星殞居第前計聞贈太子少保謚莊
 敏諭祭營葬恭天性坦夷才識並茂遇事剛敏
 能斷尤獎善嫉惡汲引後進以故歸然負朝野
 之望者且二十年始
 終完名爲世所多

孟

鑑

博野人宣德時進士給事吏垣持節冊代
 王不受饋遺尋陞戶部左侍郎時廣東海
 寇黃肖養作亂攻沒州縣進圍廣州甚急朝廷
 出師命鑑叅總戎務鑑行距城百里左右請劾
 兵爲衛不聽以五騎從之時廣城閉已兩月薪
 穀騰貴人心涵涵下令開門聽出入賊詭乞降
 鑑測其詐嚴備以待賊果圍城出精銳擊賊擒
 黃肖養獻馘餘黨悉平景泰時召還措置山西
 邊儲總理湖廣軍餉所至有功謝政年
 餘起拜南京工部左侍郎抵任數月卒

王

僅

安肅人宣德中舉人分教潞城陞成陽知
 縣興學勸農鋤強植善丁外艱歸民不忍

王去請于朝特旨奪情起復尋以秩滿新尹來代
 民復請于朝特旨加六品秩仍留之後二載陞
 延安知府九載秩滿軍民請留晉三品秩陞河
 南右布政使忽疾不起士夫軍民如喪考妣繪
 像祀之

白圭 南宮人正統壬戌進士除監察御史持憲
 者有司置之法圭惻然曰民飢至此不幸也若
 拘於法死者衆矣乃杖而釋之景泰初陞浙江

左布政使天順改元苗賊據險兵不能攻乃設法
 都御史巡撫湖貴時賊據險兵不能攻乃設法
 多為疑兵分道進襲賊不能支遁去擒其渠首
 斬之嘗有勅督造戰艦甚急衆議欲賦材於民
 圭曰不可請於楚藩抽分木克用民德之荆襄
 流賊嘯聚推劉千斤為主署偽總兵等號圭奉
 勅督軍務由南漳入遇賊誘之臨城擊破之賊
 退入巢穴山險復雨乃命禪將率卒千餘由間
 道出賊後焚其營自以軍臨賊顧其營火遂駭
 亂生擒劉千斤等獻俘京師以功進太子少保

兼兵部尚書後卒於
 官贈少傅謚恭敏

李賓 字廷用順義縣人正統乙丑進士授浙江
 道御史歷陞右副都御史提督永平山海

諸軍時邊境無事賓請散兵歸農屯科以興英
 廟復辟召為大理卿因刑獄嚴刻奏請寬平疏
 中列古失刑數事直言不諱朝論避之卒已秋
 曹欽謀不軌賓率家人挺身擊之撲滅長安門
 火英宗嘉獎歷陞南京兵部尚書奏發倉廩賑
 貸饑民復令有司設常平倉平江洋鹽賊總理
 南樞數年乞歸不允進太子少保
 丁酉乞休卒贈太子太保謚襄敏

董方 字仲矩鄆縣人正統乙丑進士授大理寺
 評事未幾以都憲蕭惟禎薦陞左寺正法

律精明濟以仁恕以故滯獄沉寃多所伸辯時
 東阿縣民蔣傑與盜偕行捕者誤執傑訥不能
 辯以考掠誣服方察其寃訊無左驗得釋神策
 衛軍詐稱錦衣旗校奉旨訶事誑取人財事覺
 有司以詐傳詔旨論死方謂冒名誑財耳傳旨
 無實跡得減論金吾衛卒領運內局銅板中道

後甫
 勳節名臣

竊尺許選者得之有司以盜內府物律斬方以
 物既領出非潛入內府盜者宜以監臨自盜論
 遂減從徒景泰乙亥屢災異朝廷以濫刑為憂
 乃簡廷臣往讞直省獄方得山西時太原民白
 政與邑人王選構怨殺之投尸於河事覺政証
 選妻與已通同謀殺既成獄方疑婦結禱三十
 年生子女十餘安得有此乃盡拘鄉鄰質之且
 反覆覈驗始得其情政遂服選妻得免天順丁
 丑陞本寺右丞時石亨用事熏灼中外或謂若
 一往見亨薦揚可立待方抑之曰士貴氣節屈
 千金軀忍耻以要權貴吾弗為未幾出其門者
 果皆敗聞者服之庚辰曹欽謀逆舉兵焚闕方
 急趣軍士救護賊平遷本寺右少卿成化乙酉
 遷刑部右侍郎九載遷都察院右都御史甲午
 上以大同重鎮巡撫宜得人會推方往許節制
 諸軍事至則飭官吏謹備禦嚴操練清屯種籌
 畧多方士卒用命以刑部尚書召還建言邊務
 十五條上嘉納之丁酉乞致仕陞辭賜寶鑑酒
 饌進階資政大夫成化十九年卒贈太子少保諡襄敏

岳正

字季方灤縣人正統戊辰賜進士及第授
 翰林編修嘗夜草請復恭讓后位號疏兄

端曰奈何貽老母憂裂之乃止景泰時歷官修
 撰吏部王翱薦之召見文華殿上極為獎許欲
 大用之石亨張輓珣之不見果然宣召賜賚旬無
 虛日欽天監湯序言奸臣未盡致天象變異上
 問正正曰序術疎淺言不足信若遽宣露則人
 人自危事遂寢時石亨與太監曹吉祥擅權有
 投匿名書指斥時政者亨欲上出榜懸賞格募
 捕令撰榜格正見上曰為政有體無天子出榜
 募購罪人之理事又寢亨從子石彪鎮大同遣
 使獻捷盛稱斬首無算皆梟於林木正取地圖
 駁之曰某地四面沙漠從何得林而梟之耶其
 人驚伏正問為上言曹石勢盛慮有變宜早為
 節制上命正諭之以意正徑造亨諷令白戢二
 人怨之益深會承天門災正草責躬詔語多切
 實或有指為謗訕者降欽州同知尚書陳汝言
 素憾正嗾邏者以私事中之逮繫詔獄謫戍肅
 州所居宅第為幸臣季鐸所奪僅以一身出京
 至涿州苦手楛急幾危賴涿人楊四用計緩之

張

春

得達戍所上嘗憶及謂正大膽及曹石敗得放
 歸為民憲宗嗣位起為經筵講官有隙者譖之
 於李賢賢信之外補興化府知府在興化殫力
 興革多所建築郡紳不利誹謗橫出叅政陳蕙
 廉無實狀乃止正第及所引疾致仕時季鐸已
 敗朝廷命還其故第以觀引疾亦僅以身出所
 遺百倍於正之遺未幾以勵子成疾卒正博
 學能書兼精繪鏘所著有類博稿深衣纂疏
 真定人正統時進士授南京廣東道監察
 御史進士釋褐為御史自春始時中官王
 振用專齊韶附之為南京刑部尚書縱恣無狀
 有指揮某者與徽商友善指揮富而無子有三
 女指揮卒商謀襲其官媚指揮妻為之嗣既嗣
 得官沉母於江女訟之齊韶受賂不為理商殺
 之沉於井七年無敢問者春初至官指揮次女
 泣而呼冤都御史若不聞春心疑之詢於同官
 皆搖手曰此非君所當問也春奮然曰朝廷設
 耳目之官何事不可問有春事不問號稱御史不
 亦辱乎同官掩口笑之春以白中丞中丞曰汝
 書生不識時務蒞官曾幾何時遽欲預事乎韶

張

鵬

治中致仕
 轉應天府
 治中致仕

張

鵬

持大體振風裁賢聲茂著天順丁丑石亨
 遼東鐵嶺衛尋改廣西山丹衛後享敗憲宗宥

恃寵作威福人莫敢犯鵬忤之竟被誣搆謫戍
 遼東鐵嶺衛尋改廣西山丹衛後享敗憲宗宥

長補人勿忘下

卷之二十三 勲節名臣 七

還擢按察使歷陞巡撫廣西邊境用寧巡視鳳
淮揚廬及徐和滁州緝補有方踰年盜息歷拜
尚書進階資政大夫
後致仕賜鈔二千緡

程

信

字彥實其先徽州人後隸籍河間衛正統
時授吏科給事中英宗北征偕廷臣上疏

諫止不報已而師潰土木敵南侵進薄都城都
督孫鏜禦之失利欲入城信堅不可躬督軍以

火鎗礮石鼓噪為鏜聲援敵乃引去英廟還居
南內復上中興固本十策語剴直聞者壯之陸

叅政總理遼餉時巡撫都御史奏定吏卒盜糧
石以上者論死改新斛加二寸付信信立碎之

日使彼真盜死不足惜故置死地豈情也哉後
轉四川分巡道平松藩之亂英宗復辟奉表入

賀時方錄景泰間上言者因畱為太僕卿陞巡
撫遼東僉都御史聞敵將董山潛與朝鮮結連

信授計上官佟成往廉之得其通董山書請急
遣使往問以伐其謀朝廷從之譯者往建州敵

不肯承出書以示敵為愕然貢馬謝罪都指揮
夏霖素不法僉事胡鼎按其罪信具以狀聞詔

遣中官逮霖勅之使者復其部侍
調南京太僕寺少卿意宗即此起復其部侍

貴州蠻酋都掌反僉信督軍討之信入金
鷺分兵會於大壩用神機砲焚其寨賊死洞中

寨賊遁入深澗信令副將孫繼先資甚渥以染瘴瘳
賊悉平還進兼大理卿賞資甚渥以染瘴瘳

疏請老不允應城伯孫繼先資甚渥以染瘴瘳
信盡發其貪剋事繼先坐免軍府肅然河套歲

多警輔臣請興師十萬搜剿之信以為師眾地
遙不可副將楊信請以三萬人往信曰此舉關

係國勢若三萬人戰則少守則多眾服其言卒
與二萬人巡邊未幾承命叅贊南京機務因星

變陳言多見施行四載復上書乞休明年
還休寧越四年卒贈太子少保謚襄毅

王 銳 遷安人正統時進士由知縣歷官都御史
任事有擔當不為勢休巡撫延綏值叛兵

搆亂銳率眾討平之敘功
廕子世襲錦衣衛百戶

張 斌 永平人正統時進士任戶部主事忤權闖
王振謫戍遼東後朝議以浙江鹽法夙弊

積多惟斌可以釐正舉以前職往清理之斌持法剛正不通賄賂復為權幸所忌而牟利者且不便斌有微疾宵小通謀駕言中風以艾炙之雜以毒遂被害

芮 釗 字宗遠寶坻人正統時進士歷右副都御

守三年邊境寂然卒於官無以為殮人服其清操云

王 復 字初陽固安人正統時進士授刑部給事

迎駕復充禮部右侍郎以行至德勝門外仰瞻御容頓首拜泣瓦刺也先怒持刃迫脅仍以數

事詰責復反覆辯論不屈歸陞右通政累遷兵部尚書卒諡莊簡

李 俊 字文英定興人有異質六歲能文弱冠以

董浙江銀冶會處州賊齊煇陳鑑湖陶得三起勅俊勦捕俊率勇敢敗之街亭橋越三日賊首

黑面大王來劫鎮守太監李德懼欲走俊叱止之賊遁去仍以闡復勅俊嚴捕明年賊圍處州

城空無備俊募敢死士八百人為守俊固善射臨城殪衣紅者一人出城奮擊大破之賊劔氣

縮因議招撫賊果降巡撫張楷總兵徐恭等議不受降失信邀功賊因驚變俊劾之俊灑誓衆

曰吾世受國恩必以死報衆感奮出死力大破之俊擐甲胄十有二日事解脫胄髮髡李德憾

後以賊反問文書誣奏俊疏辨勅勘得雪俊還處人德之初靴亭樹碑寄思景泰改元侍經筵

賜白金綵幣尋擢山西按察辨汾州商獄人稱神明成化初以忤執政致仕後八年卒

李 琚 字宗璧鹽山人天性孝友貢入太學期年

奉議大夫國用羸縮邊儲豐耗與夫兵民轉輸議畫允當有裨國計時河間民有部運租稅者

以白金若干遺家僮而道其姓名竟趨去琚走白卿貳名其人答而還之生平清介大率類此

李 衍 字文盛隆慶人景泰壬申登進士第授兵

部主事歷陞郎中擢河南右叅議檄所部課民種桑棗戶若干株因以考長吏勤惰且令

後補人物志下 卷之第三十三 勲節名臣二

少貸由是州縣之吏罔不勸懲後改四川提督
松藩等處糧儲見彭索河荒田彌望乃名其土
人問之知畏蠻擾故棄之衍相視要害設橋梁
墩堡塹柵為防民乃得耕蠻攻松藩張臘堡茂
州松溪堡行擒殺數百人蠻乃遁灌縣都江堰
壞歲修役夫四萬人衍十九不逾歲而成陞河
南右叅政歷陞都察院右副都御史巡撫河南
時黃河水溢城不浸者三板衍行視地形日夜
疎濬河不為害陞戶部侍郎巡視山海邊關置
牀子弩一萬五千張設飛石飛木數十萬削山
成險東西數百里歸以圖進命權尚書事時河
北諸郡縣旱州縣當輸邊者類橐銀就邊糴米
踊貴數倍且武吏催督勢甚張皇衍請出太倉
餉邊以銀輸太倉庫米價遂平尋總督三邊軍
儲兼賑濟饑民時關陝旱久衍引渭水為渠以
利居民是歲大稔還朝復具圖以進陞本部尚
書總督京通兩倉內外僚吏素熟其名皆慄慄
奉職不大聲色事無不理上疏乞歸卒年七十
有四子祭葬

耿裕 東鹿人九疇子景泰甲戌榜進士改庶吉
士授戶科給事中天順丁酉九疇居總憲

以例改翰林院簡討九疇因建言斥裕亦出判
泗州人皆扼摯裕至州孜孜訪求民瘼惠政甚
多成化乙酉朝廷知裕無罪召還復簡討仍克
經筵講官歷陞國子監祭酒裕在太學條教嚴
明恩威並濟勲戚子弟入國學裕患其難教取
所當習讀者輯成一書授之他日中使持至御
前上嘉歎之尋擢吏部右侍郎明年進吏部尚
書忤首相萬安改南京禮部尚書孝宗卽位轉
南京兵部尚書崇王乞赴闕朝賀勅諸臣議裕言王雖
部尚書崇王乞赴闕朝賀勅諸臣議裕言王雖
至親于制不宜入朝况歲饑所過煩供億民何
以堪上從之西域貢獅子裕言遠人嗜利受之
無益且泛海而來非由貢道宜卻之掌銓曹凡
所舉薦皆當其才凡會議必持正不徇退居獨
處無敢以私餽者至老不營產業不治居第
加太子太保而卒年六十七贈太保謚文恪

侯瓚 雄縣人景泰甲戌進士授戶部主事奉命
視湖廣饑奏免稅糧八十萬石出守鳳翔

下車賑濟流移全活者衆歷陞右僉都御史巡撫甘肅時有哈密之變贊召赤斤蒙古二衛授以方畧克復八城俘馘千五百餘不自居功兵部奏聞璽書嘉諭歷陞南京工部尚書轉兵部叅贊機務致仕進階榮祿大夫

金

純

平谷人景泰甲戌進士任刑部郎能勘冤獄陞桂林知府時猺賊爲亂官軍會勦未平巡按王浩遣純撫之純至賊壘諭之曰太守親來撫爾以蘇衆命猺皆痛哭引領聽招事平巡按欲奏其功純力辭尋進階中憲大夫守廣信會永豐銀坑賊起純命鄉兵及大姓有力者捕散之陞山西叅政遇早邊儲告乏設法轉運足備軍用陞右布政使以疾致仕

王

越

濬縣人景泰時進士歷官太子太保兵部尚書兼左都御史以功封威寧伯後加太子太傅召掌前軍都督府提督團營再敘子錦衣千戶成化十七年以汪直事被劾奪爵弘治元年復職十年起左都御史有功加太子太傅卒于軍謚襄敏越姿表奇邁慷慨自許議論英

發見事風生久膺師寄身經寸餘戰出奇取捷慮成發中顛倒才智柔馴辨強皆樂爲之用效之者皆自以爲不及不愧古之名將也

賈

俊

字廷傑東鹿人景泰間舉人天順己卯從國學特簡爲御史凡五代巡所至獎廉黜貪劬梗植弱累陞左僉都御史巡撫寧夏持憲度嚴軍法數年邊無警成化癸卯入爲工部右侍郎河南饑勅俊往視悉力賑貸多所全活拜尚書弘治辛亥勅修太廟夾室成加太子少保以足疾乞休歸三年卒俊歷事三朝巡撫六載宦不携家衣恒澣做中官汪直權傾中外六卿下拜俊獨抗禮直外雖改容中實憾恚百計傾之竟莫能中孝宗欲建水亭俊謂財用匱之不

李

宜興不急土木疏三上事雖寢而中不憚太監李廣爲上理髮前跪曰罷此老可也上怒曰賈俊爲朕省費渠安敢出此言靴踢落一齒俊聞之累乞休上溫旨慰留者再直節勁氣受知孝宗有如此

龔遂榮

錦衣千戶時英宗已入塞寓書大學士高穀言奉迎禮當從厚主上當避位懇辭而後受命穀袖其書入朝以示廷臣曰武夫尚知此禮况儒臣乎陳循言遂榮非分請治其罪遂

下獄會赦得釋

李東陽

字賓之金吾衛人幼號神童景帝三召見之賜賚甚渥登天順甲申進士選庶吉士成化初授編修弘治間歷官文淵閣大學士疏止往問安南之使極諫齋醮燒煉之非敷陳剴切悉見嘉納加戶部尚書改謹身殿大學士孝宗不豫受顧命輔佐武宗加少傅武宗為近侍導引荒淫東陽上疏直諫不聽劉瑾擅權刑辱朝臣東陽多所救免寮案嘉賴諫止內苑御船獵獸上褒答之會早朝罷丹墀委有一卷悉錄瑾等過惡因拘留朝臣三百餘人追求竟日不解俱下獄窮鞫東陽論救得釋時瑾立法嚴刻窮辱文臣納米贖罪苛繩軍士捕盜株連東陽遇事潛移嘿轉人陰受福至不允鎮守太監請便宜行事一疏尤極警切太監張永奏瑾不軌

十七事東陽擬旨百餘言皆引死律瑾以是誅籍得秦府永壽王為瑾慶壽詩上欲降勅切責

東陽引漢光武不治王郎黨故事一切勿問上然之論反正功特進左柱國巨寇劉六反東陽

晝夜籌畫卒以銷平有獻計調邊兵入衛者東陽備陳十不便利害井井上竟內批行之遂乞

休賜勅允去温慰逾常卒於家贈太師謚文正東陽高才博學文章流麗代言數奏明鬯爾雅

人稱三朝名相

于大節

字守正任丘人天順時進士授行人擢御史按大同嘉意民瘼萬全衛堡難於汲為

相地鑿井得甘泉後人名為于公井再巡湖廣開京城地震上言八事忤中官左遷鶴慶府推

官報至無愠色從容賦詩曰武昌城裏接文程小小扁舟載我行莫訝滇池荒服外版圖猶自

屬皇明值歲饑發廩賑貸俗不知學選秀民補郡學弟子員時親為教授陞四川僉事尋陞山

東按察使以目疾致仕卒於官

郭璽 字文瑞永年人天順間進士改庶吉士授工部主事時宦官王順有寵遣僕囑以私

事璽叱之去順懼折僕二指面奏誣璽酷暴貪婪詔搜其家惟圖書敝衣布被而已上怒召順切責之轉兵部由是門無私謁英宗嘗書其名於御屏間以疾乞歸

王崇之 滑縣人天順九年進士知上海縣擢御史時遼陽數有邊警戰備廢弛士卒饑寒崇

之按遼調劑振作切中機宜時中官汪直巡邊貪橫不道鎮撫以下望風重賄獨崇之不屈直中傷之謫延安府推官崇之性友愛

剛正弗撓與王越齊名稱大小虎云

董俊 南樂人由舉人受知英宗不俟廷奏擢監察御史中外奇之未幾陞雲南按察司副

使會尋甸府蠻叛俊勒兵討之兵不血刃而首惡就擒境內晏然陞本省按察使

鄭巳 字克修山海衛人成化丙戌進士選庶吉士改監察御史累疏指摘輔臣及宦寺巡

按陝西有勲貴之弟怙勢凌下捕而杖之幾死以是謫戍宜府節佛寺中士人受學者衆後放

歸

王濬 威縣人成化丙戌進士任監察御史三按有建議驅衆以濬運河者冬寒民不堪勞多東

死濬奏止之全活者無算累官南京都察院右僉都御史風紀凜然巡撫甘涼重鎮及提督郎

陽荆襄練兵儲糧民安盜息敵聞風遠遁時兵部尚越生平氣岸嶄然少許可嘗為經

綸治化卷以贈之後卒於官祀于祠

段正 字以中順天人成化丙戌進士令元城歲有水患正徧視地形多方疏塞境賴以安

秀藩就封侍從多橫索至元城戢不敢肆費視他邑省七八績最擢拜御史按江西三司屏息

貪墨望風解綬歲薦饑閩盜起布約四十餘條嚴而有要巡按例歲報代特留再巡且假以巡

撫都憲之權實為異數陞浙江按察使時浙西水大溢督邑救治陞陝西叅政平九江鉅盜除

撫州夫役民賴以甦卒殮無資葬無地其廉可知

馬中錫

字天祿故城縣人成化乙未進士授刑科給事中時萬貴妃諸弟恃寵驕恣中錫上

疏論之語過直被杖幾危再疏再杖不為沮悔公主家侵民田被命往覈以其田還民中官汪

直梁方怡勢橫甚中錫劾其不法事直喉邏卒日調其門竟無可摘然亦久不得調也既滿考

僅陞雲南按察司僉事尋丁外艱服闋改陝西陞右副都御史巡撫宣府恩威大著以捷功賜

白金文幣尋以病得請邊人叩闕請留詔病痊起用武宗即位起巡撫遼東太監朱某擅開馬

市厚自封殖中錫發其姦抵左右以罪召還陞兵部侍郎時逆瑾用事矯詔改南京工部侍郎

尋罷朝廷遣使覈遼東芻糧使者希瑾意謂腐擗迺多歸咎中錫逮下詔獄瑾必欲置之死從

家械繫遼東尅期責償腐損窳計需銀數千東人聞其至願代輸者襁屬中錫曰此適足重吾

辜耳固謝之有司承望追迫乃盡鬻田廬復稱貸以完瑾誅起巡撫大同諸所與革如宣府遼

東時流賊劉七等起晉左都御史命總軍務中錫因賊勢猖獗亟難奏功遂謀招撫垂成中官

沮之賊乃叛去論者謂玩寇詔徵下獄以疾卒聞者痛惜之朝廷尋察其冤遣官諭祭所著有

東田文集東田漫稿十四卷行于世

七

瑄

字良玉景州人成化乙未進士授河南嵩縣知縣嵩多逋稅礦賊不時發瑄謂此不

可以急治也寬徃役廣措置數年逋賦以清礦患亦息召擢御史萬妃怙寵率同官上章論之

憲宗怒予廷杖或謂已戇瑄不懼復上疏獨論不報陞四川按察司副使川東四郡人多盜負

險出沒瑄至明約束布威信召父老諄諭之俗以革擢山東按察使剖決滯獄囚圉為空雪歷

城婦之冤人稱神明歷陞南都察院都御史嘗奉勅漕查牧馬草場辨疆界嚴條約不為權勢

怙時劉瑾專政疾其違已追論為布政時事罰米七百五十石請休致不允改南大理寺卿尋

陞南刑部侍郎勸岷府事賜羊酒寶鈔陞南刑部尚書復懇乞骸骨歸未幾卒

田景賢

字宗儒涿州人成化乙未進士授給事中時上疏論貴戚周壽竊權亂政上震怒廷

田

杖幾斃未幾上悟擢通政叅議察理邊儲經畧戎務精明渾厚將吏胥服陞太常少卿累遷禮部尚書仍掌太常寺事進太子少保賜玉帶麟服逆瑾擅國凌虐大臣景賢簡靜自持終瑾之身不能中傷上疏懇辭進太子太保賜寶鏹

才

寬 節 遷 安 人 成 化 戊 戌 進 士 坦 濶 曠 達 不 較 小 事 裁 決 如 流 正 德 二 年 以 副 都 御 史 巡 撫 甘 肅 三 年 改 撫 陝 西 行 事 磊 落 如 治 郡 時 尋 遷 刑 部 侍 郎 未 任 復 改 兵 部 四 年 陞 工 部 尚 書 代 楊 清 總 制 三 邊 寬 慷 慨 好 野 戰 值 大 敵 在 河 套 率 師 由 興 武 營 擊 之 狂 勝 深 入 遇 伏 兵 起 中 流 矢 卒 於 陣 事 聞 賜 卹 廕 子 錦 衣 衛 百 戶 濟

王

濟 河 間 人 成 化 丁 未 進 士 任 戶 部 主 事 才 智 布 政 司 叅 議 擢 太 僕 寺 少 卿 以 忤 劉 瑾 卒 於 獄 瑾 誅 朝 廷 予 祭 葬 以 旌 其 忠

張

舉 藁 城 人 成 化 丁 未 進 士 授 戶 部 主 事 監 草 場 藁 城 人 成 化 丁 未 進 士 授 戶 部 主 事 監 草 場 藁 城 人 成 化 丁 未 進 士 授 戶 部 主 事 監 草 場

張

設 樂 以 娛 部 官 故 得 行 其 好 舉 獨 不 受 自 携 菜 果 裁 度 饑 渴 所 乘 馬 亦 清 鞚 終 日 不 與 少 秣 歲 以 為 常 內 外 憚 之 無 敢 犯 者 後 監 宣 武 門 稅 日 往 稽 閱 出 其 不 意 課 入 公 家 守 門 中 官 患 之 泣 訴 於 司 禮 監 太 監 某 問 主 事 為 誰 對 曰 張 舉 司 禮 曰 是 予 馬 張 乎 汝 慎 避 之 復 督 天 津 運 軍 採 秋 草 廉 知 運 官 姦 弊 隳 廢 冒 廩 上 疏 論 列 請 實 於 法 不 報 會 岳 州 知 府 缺 郡 人 尚 書 劉 大 夏 請 得 為 守 舉 到 郡 首 罷 民 所 不 便 十 餘 事 郡 前 湖 水 多 魚 故 事 守 以 下 有 之 舉 悉 付 漁 戶 為 課 數 與 監 司 論 事 相 爭 執 詞 色 俱 厲 上 官 積 不 能 平 屬 誦 抑 之 輒 憤 嘆 曰 張 舉 亦 男 子 也 何 至 為 富 貴 下 人 哉 卽 遺 書 求 去 會 御 史 行 部 有 所 意 望 箠 撻 主 簿 譴 死 舉 仰 天 曰 以 吾 忤 物 之 故 乃 不 能 庇 其 屬 哉 方 草 劾 欲 上 求 直 其 事 不 勝 憤 按 筆 而 卒 其 篋 僅 俸 錢 數 兩 及 衣 衾 而 已

馬

子 聰 字 舜 達 廣 平 人 登 成 化 丁 未 進 士 初 授 南 京 禮 科 給 事 中 孝 宗 初 都 御 史 錢 鉞 以 庸 瑣 叨 至 高 位 守 備 太 監 蔣 琮 寬 悖 貪 縱 子 聰 奮 不 顧 身 首 劾 錢 鉞 繼 斥 蔣 琮 朝 廷 納 其 言 直 聲

幾

補 人 勿 忘 下 卷 之 第 二 十 三 勲 節 名 臣 七

大振以憂歸起復除戶科給事朝廷議建毓
秀亭於萬歲山費用不貲中外洵洵子聰極諫
上命輟毀之前後數十疏皆言人所
不敢言以此忤璫竟為宦官所阻卒

燕忠

字良臣薊州衛人成化時進士任寧國府
推官讞獄多所平反擢授御史以災異陳

言剴切孝宗嘉納之巡按陝西發奸摘伏風聲
凜凜歷陞陝西左布政使逆璫劉瑾秦人也方
柄國附者瀾倒忠獨不拜其祖墓且無所遺璫
卿之卒不能害陞右副都御史巡撫宣府改大
理寺卿江西藩臬官交惡獄人不決蓋寧庶人
宸濠主之也舉朝推公往案獄成人無異言居
官三十年卒之日囊無餘蓄贈刑部尚書

傳珪

字邦瑞清苑人成化時進士選庶常授編
修弘治中陞春坊中允正德初逆瑾惡翰

林不附已謬謂會典訛舛矯旨奪預修者官降
珪修撰瑾敗復官明年陞吏部右侍郎尋陞禮
部尚書是時武宗好佛自稱大慶法王外廷亦
知之顧無徵難以諫俄內批下禮部有大慶法

王字與聖旨並書珪佯不知執奏云孰為大慶
法王者敢並至尊人不敬當誅詔勿問事亦寢
寵伶臧賢請收園牙牌為方又請大教坊司印
珪皆執不行兵部侍郎陸完征劉六久無功太
監陸閻乃先行左右賞闕後曹又立監鎗名謀
出統軍下廷議眾緘口珪奮曰兵老民疲直以
冒功者多債事者漏罰失將士心今賊在郊斯
民囂然思亂旦夕禍及宗社吾儕死且不償諸
公尚首鼠耶議罷疏上竟遣監鎗俄有旨令珪
致仕歸里杜門謝客及卒遺命無請葬祭嘉靖
元年禮守正文臣贈太子少保謚文毅珪村直
端毅範律甚嚴對人侃侃無所回孝友之行孚
於鄉曲所著詩文若干卷

丁鳳

字應詔蠡縣人成化間進士授戶部主事
監督倉場弊絕風清改鴻臚寺丞累遷應

天府尹活繫囚百數陞左副都御史總督南京
糧儲奏革冗食軍匠五六千人入為通政使兵
部右侍郎正德丙子冬西陲警報以都察院左
都御史提督軍務著武功廕錦衣衛世襲百戶

平山東流賊賜賚甚渥卒祀鄉賢

鄭宗仁

字體元任丘人成化時進士授戶科給事中弘治初天下郡縣以災告者百九十九處

宗仁疏請賑卹有建議者以國用不足欲令齊民得入粟受千百戶宗仁曰名器濫至是耶此

令一下軍士將解體抗疏言之晉尚寶寺丞歷陞光祿卿時權奸用事費出無經宗仁據弘治

初元供應例日省百金上偶幸光祿寺宗仁承命進芽茶等物僚屬少之且虞得罪宗仁曰有

罪在我上笑為節儉管家擢都察院右副都御史巡撫山西宗藩祿缺宗仁奏請以粟募運河

東鹽以鹽易商芻粟給邊民得以輸邊粟折銀給宗祿轉移稱便捕孟縣礦賊不獻捷邀功補

邊兵馬匹以壯軍威邊境大又召入為戶部侍郎尋督餉宣府武宗幸大同宗仁迎於鷄鳴驛

中官傳以戎服見宗仁曰君巨大禮豈可以行在褻越服公服見面詩回鑾武宗改容遣之後

奉太后懿旨迎世宗於新鄉翠華所屆輒有錫賚世宗嗣位晉戶部尚書未幾以積勞成疾卒

子祭葬甚優

邊憲

字汝成任丘人成化時進士授青州府推官癸奸讞獄如老吏郡中無不畏服青濱

海海溢饑民田廬憲率築隄障之城特以無患歲饑上官檄憲行賑處之有法全活甚眾

均六府之役視貲之高下以為重輕吏莫能售其奸擢監察御史按山西裁抑貴勢風采凜然

陳邊務數事為上所嘉納奉命覈遼軍儲宿蠹剔抉殆盡人不敢請寄冒賞比還陞守鳳陽不

兩歲積穀萬餘石陞浙江按察副使時逆瑾竊政欲士夫阿已往徃假他事羅織為罪罰米以

困之憲受罰至二千餘石竟不少挫歷陞右都御史巡撫山東賊流入東省憲遣官分禦多所

斬獲明年賊勢益熾師久無功言者請罪地方大吏以示警憲與保定巡撫蕭翀俱就逮賊平

始釋後復起巡撫寧夏至則築垣塹蓄芻糧邊備罔有不飭嘗禦敵於花馬池紅兒山五日七

捷事聞獎賚有加陞南京刑部右侍郎累官至都御史卒

孫博

字約之景州人成化時進士授禮科給事中論事不避權貴汪直用事立西廠令左

右親校覘察公卿以下官得失乘間密奏或徑捕繫考鞫奸人污穢官吏內外悚息博上疏論

直盜弄國柄擅作威福漸不可長疏入上令毀西廠直大恨之會雲中告警直與都御史王越

等受命北伐直奏請博紀軍功陰欲中傷縉紳危之博曰論諫吾職也榮辱生死命也將安避

乎既抵雲中直每出戰輒令博隨博意氣峭拔與論機務指畫利害不少挫劔直始心敬之越

亦從旁時時救護得不死師還論功陞山西按察司僉事知時不

可為遂乞致仕

胡瓚

字白珩永年人弘治癸丑進士授行人三

劉瑾誅擢大理寺丞轉少卿獻獄多所平反

江西巡撫胡世寧疏宸濠有異志坐誣告親王

繫獄當死瓚疏白其寃得減戍巡撫大同陳邊

防六事上皆嘉納武宗幸雲中以却敵功賜麟

衣予廕上疏力請回鑾辭甚切直劾幸臣江彬

邢昭

三河人字仲明弘治丙辰進士授洪洞縣

尹儀度端莊操持清謹事治民安召授浙

江道監察御史去之日百姓扳轅留之巡視兩

浙鹽政守正不阿忤劉瑾廷杖一百不死人稱

鐵邢昭謫高平縣

令瑾誅復拜御史

能名宸濠之亂材按察浙中守杭大監畢真夙

與案調兵食方畧一日悉具乃自往說真令撤

兵衛兩浙遂安世宗初按察雲南有土酋相讐

梁

字大用大城人弘治己未進士起家知縣

入為御史逆瑾伏誅榜諭天下及錄付史

館制文皆材所作當時稱之調知杭州益以廉

與濠通人心洶洶巡按御史張縉就謀於材材

殺六載不定御史請材治之材諭以王法當誅

死今姑貸汝罰牛羊若干以贖上首叩首輸服
御史謂不蔽辜材曰治彛法如是足矣後調知
上酉未對簿先有密謀叵測得簿罰故止召拜
大司農加太子少保時永嘉新貴用事嘗以意
氣上公卿一日於朝堂厲聲語曰梁大用某處
糧草當辦材應曰諾某處折銀當發復應曰諾
永嘉意其闊闊弗了也既而偵之果無非具者
乃心服其能上念吏治不清特命以司農行考
察簡汰數百人厭時論又大獄久不決者四
事命兼司寇勘之數日悉夾上喜曰得尚書如
材者十二人朕無憂矣後以劾翊國公郭鄖落
職歸卒久之邊儲大乏上乃嘆曰令梁材在當
不至是後追謚曰端肅

張

繪

字汝吉平谷縣人弘治壬戌進士授兵科
給事中逆闖劉瑾擅權嫉兵部尚書劉大
夏欲構之死繪申救得免太監段聰侍東宮得
倖為從子乞官繪上疏力爭之改監察御史歷
陞宣府巡撫留心刑獄所活幾千人鎮守保定
太監吳經貪橫虐民繪置羣黨於法其勢始斂

武宗西巡忌者以造舟建宮之事困之繪上疏
極諫武宗怒命執之拷訊無所得乃止後以平

妖賊張鉞賜璽書全帑嘉靖壬午卒於官

李

緯

字汝靜唐縣人弘治時進士授監察御史
孤忠有氣節拜官不市歲上諫疏幾百孝
宗嘉其直後以忤劉瑾謫
揚州推官卒以疏稿殉葬

孫

修

字用吉邯鄲人弘治乙丑進士正德改元
拜戶部浙江司主事上命督漕賦於蘇常
嘉湖諸郡修召守令以禍福諭之未幾漕賦悉
完改山東道監察御史侃侃自持治獄有能聲
擢陝西僉事備兵延綏時糧訓卒敵不敢犯擢
理全陝屯政邊人不忍其去攀號滿野先是屯
廢不治修立法簡而嚴歲入倍昔敵犯秦隴非
修部也以公役偶當其變城且陷修率敢死士
百人發勁矢射之敵大讐遂引却論功進副使
秦人王元凱誣御史宇文鍾謀逆宦官劉寶奏
行在武宗命逮至軍門鞠之修察無左驗錄其
獄詞上南都寶怒曰謀逆大罪也何止以如是

塞詔旨衆不敢應修曰按驗無狀焉可累及無辜且誰無子弟公亦宜自念其家劉禁而止事卒以白罪竟坐元凱巨盜嚴天柱擁其衆三千人襲破商州僭號署官聲播關洛巡撫檄修禦寇修率兵五千疾馳赴之甫一月薙獮無遺擢山西按察使尋陞浙江左布政使以毋憂歸起服拜右副都御史巡撫湖湘修夙望素嚴賊吏相率棄印綬去未幾改南京操江平江洋巨盜後因災異自陳歸

馬時雍

字子際交河縣人由弘治乙丑進士歷陞湖廣左右布政性方嚴居官所至孤行一意不發私書人亦不敢干以私至如却哈密之封識土魯番之詐緩安南之伐來莫登庸之降識者避焉官左轄入覲所司以公費進固却之僚佐曰公即儉能不爲僦居計乎乃以二百金行北至都餽諸貴人各歷日數冊而已諸貴人

如此歸家閉門養重建董子祠以惠後學士論高之

李珏

字廷重開州人弘治時進士授長州令忤逆瑾誣逮至京邑人爭釀金帛以餽瑾謀

脫之珏正色拒之曰爲民獲罪復歛民以脫是益之罪也事竟得白陞刑部轉郎中擢知東昌府後丁憂起補青州鹽鑛多盜珏擒其渠魁撫其餘黨陞山東按察副使兵備徐州爲兩京衝要供億累民珏交際悉有定式過者雖貴官好友僅奉一餐時大盜王鏜聚衆數萬擾兗濟間珏指授方畧戎服督陣平之累陞右僉都御史巡撫甘肅未幾以前任事被逮朝見致詞上深奇其丰采中官密示上意曰廷鞫之日若能少順上意諉責巡撫當有不次之擢珏笑曰死生榮辱自有定分臨難二心非君子所爲獄成謫戍潯州尋放還里居雁門失守畿甸震驚廷臣交薦召以原職起巡撫山西至則督率將領行視關隘陳禦敵事宜上皆嘉納又調選民兵分布要害敵不敢深入引疾乞歸抵家四載遼左不靖復起用撫遼旋召爲大理卿佞裝間敵數萬入操知珏將行不爲備也珏已預爲計矣設伏扼險塵戰累日大挫敵鋒至京卽上疏乞歸

賜致仕卒於家子祭塋

王

綰

開州人弘治時進士任戶部郎中時劉瑾

副使世宗入繼大統宦者谷大用迎駕至楚欲

乃已後以擒礦寇王鏜功歷陞山西四川兩省

右布政所至以平賊著績超陞巡撫江西都御

王

宸

真定人弘治時進士授吏科給事中勘遼

憚清嚴弘治末番僧那十堅以左道獲幸宸上

疏請繩以法番僧不敢復入禁中正德初忤逆

瑾逮繫六月幾死犴狴終不為屈歷進光祿卿

韓

璠

高陽人弘治間以進士授戶部主事屢督

謀授官以萬金行賂宸叱之寃不得行

宋

時妖人李真等作亂璠捕誅無遺類擢陝西按

馮

顯

字德彰安肅人弘治間進士授濟南府推

官讞獄明恕復除廬州入為監察御史核

餉甘肅釐革宿弊巡撫河南震叠澄清時逆瑾

忌吏部尚書許進諷顯誣劾顯不從日寧忤權

孫

緒

字誠言故城人弘治時進士授戶曹主事

火節入犯遣將往禦之緒為參謀畫策售

奇大將以下咸改容禮之事竣調吏部主事父

病乞省不得遂微行私歸人以是重之歷轉文

選郎中劉瑾嘗械繫御史某於市士夫莫敢申

囊金為屬緒峻却之卒亦不言擢太僕少卿毋
 在京邸歲暮大雪日夕而不具餐婉辭以慰毋
 心毋曰汝勿歉惟顧汝始終不渝清節耳兵部
 尚書王德華交結錢寧勢頗張移文太僕語不
 遜緒作書讓之王引咎太僕供邊贏以千計甚
 病民緒上疏罷之先是淮安鳳陽諸郡飢俵馬
 多瘠例當驗駁緒察其故悉納之省費至萬緡
 南陵丞韓思義貪殘無狀緒杖而治其辜思義
 席權宦張雄勢請託者書盈篋緒皆不答會思
 義病死雄銜之中傷緒繫御史臺閱月事始白
 雄仍矯報禡其職世宗御極詔復太僕卿致仕
 家居足不及官府朝夕待毋愉愉如也暇乃傳
 極羣書著沙溪稿四十卷無用閑談十二卷蒙
 求族譜大學中庸放言易經奇語陂東新論四
 書小說語孟毛詩尚書雜
 義各若干卷嘉靖丁未卒

宋璉

字汝器清苑人弘治時舉人筮仕樂陵教
 諭兩聘分校皆稱得人擢御史巡視中城
 鞫金剛鐵剽獄名重當時特簡經畧三邊時逆
 瑾專政璉上疏劾其黨使內帑金鉅萬請先誅

瑾而後治黨瑾深啣之以方謀逆不及加害越
 日瑾敗武宗稱為真御史按關中墨吏望風去
 釋為瑾誣至死者數百人因諫譴歸肅宗即位
 起湖廣僉事調榆林卻羨金萬計分給軍士邊
 卒戶祝之陞西寧副使番漢胥安乞休歸肅宗
 褒曰廉慎恬退加叅政致仕奉詔入鄉賢仍建
 家廟給
 祀丁

徐璉

真定人幼穎悟博極群書進士授戶部主
 事遷郎中管京庾監臨清稅總理遼儲所
 蒞有名歷守嚴州袁州正德四年宸濠構亂聞
 變謁王守仁於吉安聚兵五千人下南昌遂與
 守仁計躡濠遇於黃家渡時濠兵勢強盛官軍
 寡璉為衝鋒同吉安贛州臨江三守合勢以攻
 濠就擒璉戰不食者二日不解甲者四日守仁
 疏璉功與三守皆一等逾年陞左叅叙功陞二
 級為左布政使歸侯缺遂致仕既而霍冢宰黃
 宗伯咸奏功賞不酬上命御史王鎬核之璉退
 居絕口不言功吟詠自如為人忠信仁厚鄉人
 無少長敬愛之卒年七十有七所著玉峯集選

體詩群書纂要二百餘卷

張璿

字仲齊晉州人正德戊辰進士授御史會

茶馬時逆瑾煽雷凡官秦地者競納交其親族

安衆趨承恐後璿獨不為禮雄子卿之毀於瑾

使人伺察者三無所得大盜劉七劫掠諸省山

東為甚朝廷議遣巡方人不欲往璿慨然請行

比至檄下諸郡縣為守禦計巡歷所及同民疾

苦去貪殘請蠲免表忠烈東人以安左布政使

姜洪持正不阿巡方御史惡之以老劾罷璿力

白於朝衆論咸服先是闡人谷大用督兵勦賊

漫無成功璿奏其擾民上詔大用還無何賊出

東萊境上僉事許達牛鸞邊將劉暉許太會兵

適至璿指授方略擊賊遁去事平撫鎮以奏捷

郤列璿銜璿曰糾彈吾職也奏捷諸公事俯附

吾名是借衆邀賞矣卒不與識者以為知大體

報代復令提督南畿學政校士嚴而明陞大理

右寺丞累擢右僉都御史巡撫寧夏慶慶人合


沉播虐邊陲莫敢誰何璿至赴訴者盈庭璿剪

其羽翼台沉始戢又謀復護衛奏下禮兵二部

移巡撫勘報璿據法以聞事遂寢庶人憾之陰

結獄囚謀害之璿暮夜聞變罪人就擒璿以反

狀奏上遣中官憲臣往勘庶人賂勘者坐璿與



張

璿字仲齊晉州人正德戊辰進士授御史會

茶馬時逆瑾煽雷凡官秦地者競納交其親族

安衆趨承恐後璿獨不為禮雄子卿之毀於瑾

幾浦人物志下

卷之二十三 勲節名臣

張

欽字敬之別號心齋通州右衛籍正德辛未

庸關時武廟欲北狩乘輿已迫關矣欽閉關堅

請回鑾武廟壯其忠遂止聲望益隆忤當道出

知陝西漢中府未幾總制都御史楊一清特薦

黃

鍾字伯魁延慶州人正德辛未進士除戶科

甚鉅鍾執奏裁之得省其半西鄙有寇警深入

忻崞代襄間總兵官神周恃江彬黨擁眾不出

上命鍾廉之歸奏其狀無稍避忌因置周于理

兵部尚書彭澤節制川陝有功權臣忌之誣以

罪鍾上疏為白其冤澤得歸田已卯遷順天府

丞京兆多勲戚巨璫其家人率詭脫賦役且多

恣肆凌虐人至死鍾為設法使供賦役又緝一

二恣肆者杖殺之其後相戒不敢入公府嘉靖

劉

濟定州人天性剛介不妄交游與兄澍杜門

未進士選翰林院庶吉士改吏科給事中嘉靖

初議大禮忤旨明日與觀以隨伏闕痛哭諫愈

切直上大怒杖遣戍邊直聲動天下卒贈太常

少卿澍舉乙未進士歷官叅議以清白著稱

朱

裳字公垂沙河人正德甲戌進士授御史時

君心直聲播中外出知鞏昌府西彝猖獗設方

畧盡殪之擢浙江副使溫處兵備道巡按御史

王璜忤錢寧奪其官裳入賀萬壽節寧問曰王

御史不法作何狀裳對曰真御史寧大慚累陞

南

浙江左布政使革奸釐弊一日見公案書數字

曰清便清似水只怕不到底裳知吏役所為續

之曰我便清到底只怕餓殺你人傳誦之尋遷

都察院右副都御史督理河道時宣府兵譁有

幾丁父憂屢薦不起世宗南巡裳朝見行在仍

辛卯遷都察院僉都御史巡撫山西致仕

後補人勿忘下 卷之二十三 勲節名臣

命治河適梓宮南附冒暑宵征五晝夜而行千
五百里病卒於途計聞天子傷悼不已優給賜
塋祭謚
端簡

南壽 滿城人垂髫領鄉薦正德丁丑成進士授
刑部主事武宗南幸抗疏諫沮廷杖幾死

壽不少林嘉靖初陞員外郎尋擢守徽州府蒞
政不阿見忤當道歸居林下慎交遊寡言笑素

履質實為
鄉邑表

劉濂 字濬伯南宮人時年二十六始折節讀書
正德庚辰進士知杞縣入為御史武定侯

郭助驕恣宴上與尚書爭坐濂劾之曰助本以
市井無賴謬襲高爵禮法之地敢於上陵克暴

之漸何所不至至上奪其職上時銳意上祀大臣
互執所是至率百官伏闕哭濂曰大禮天下古

今所由何至黨同伐異夫孝至德也天子躬行
至德臣下正當將順濂竟不與上初罷鎮守中

官近侍有言承天重地無罷鎮者濂曰畱一人
是復鎮之根也因發其窩盜事曰大盜劫取民

則以賂鎮守鎮持此賂內監猶言不可罷乎上
怒覈實繫鎮守潘某與常言不當革者殺之時

嚴嵩寵眷日隆將入閣濂疏曰嵩人本卑汚詞
皆諛佞若此人為相則將盡化後進為奸貪罪

惡日積必致誅戮是假嵩以濁亂四海之權而
陛下自致有殺大臣之咎上答溫旨嵩竟相濂

遂病歸不與世務結廬東郭以讀書為事作易
象八卷樂經元義十二卷九代樂章十二卷兵

說十二卷雜著四卷
學者稱為微山先生

趙廷瑞 字信臣開州人正德時進士改翰林庶吉
士授戶科給事中時張璁由詹事陞兵部

侍郎廷瑞論其躐遷恐啓奔競又論吏部尚書
廖紀不能因事納忠聞者憚之武定侯郭勛專

恣詭法私脫遣戍罪人三法司錦衣衛不能執
法詔各奪俸錢他如論李琮為江彬爪牙齊佐

為錢寧羽翼張仁以么麼伶賤潛通逆籓及太
監韋霏等奸狀皆見嘉納吏部嘗擬廷瑞為外

臺上不允曰廷瑞才可大受未宜外補後擢右
通政轉南京光祿寺卿武宗幸承天廷瑞扈從

卷之三下
三勲節名臣

上言行營倉卒珍膳未備請以土物供用上許
 之會覃恩廷瑞例得廕子上書移廕其弟廷璋
 以慰母心陞副都御史巡撫陝西時俺答阿不
 孩率眾渡河駐牧河套廷瑞師出大捷進兵部
 侍郎先是宗室秉樞縱家奴責逋殘虐良民廷
 瑞劾之宗藩斂戢改戶部侍郎總督宣大軍務
 未幾入為兵部尚書會加太子少保賜白金文
 敵不能深入官軍奏捷有邊警疏陳防護五策
 綺積勞膺疾乞骸骨歸里卒予祭葬

袁宗儒

雄縣人正德時進士授御史武宗南狩宗
 儒號泣懇留陞大理寺右丞值肅宗定大

禮宗儒極諫廷杖幾死陞本寺少卿詔令勘襄
 王事復奏上手詔褒之陞副都御史巡撫貴州
 時叛逆沙保連賊王阿滕煽虐滇黔宗儒計剿
 之巨克以殲事聞賜幣丁外艱起復陞南戶部
 右侍郎肅宗狩承天宗儒扈從民有以子易鶩
 供者宗儒知之顧同列曰是我輩食人嬰兒也
 丞令持去贖其子繼以勞瘁致疾卒

翟鵬

撫寧人正德時進士授戶部主事出守衛
 輝府歷四年撫按以賢能薦者二十五舉

卓異者三大計考天下第一時豫撫請為開封
 守蜀按請為成都守競相引重上從豫請鵬至
 開封遂有二包之謠後以陝泉擢僉都御史巡
 撫寧夏尋總督宣大晉兵部尚書鵬天性慷慨
 有氣節多謀畧故所至成功他如挫逆瑾之黨
 卻白爵之金修已廢之邊擒黜叛之首皆奇猷
 畫石

史道

字克弘涿州人正德時進士選庶吉士改
 兵科給事中疏論谷大用江彬誤國止太

監張佐等封爵論救尚書王瓊等死章數數上
 多見嘉納後以論奏大學士楊一清下詔獄謫
 金縣丞尋陞河南僉事內遷僉都御史疏請復
 歲貢舊規遂著為令尋陞大理卿兼攝臺事時
 有修舊怨者劾道會推後期罷未幾詔以僉都
 御史巡撫大同道至雲中建五堡城廣地數百
 里人得耕戍其中歲省漕輓費不貲陞兵部尚
 書加太子少保

楊

秦

良鄉人初登第即除行人時武宗欲南狩

靖元年詔復為行人授福建道監察御史陝西

清軍復命掌四道印議大禮不合陞四川按察

陳

儒

字懋學錦衣衛人登嘉靖癸未進士授戶

部主事時有大賈藏珠玉欲巧售以規重

利賄宦官奏行召買儒堅執不從牒行兩廣歲

既而民以稅累告儒疏其事於朝請以郡帑積

金代民田租詔可其奏擢寧紹海道海外諸衛

前巡視者恆不法者諸衛憚威自戢久之改提督

軍容按其不法者諸衛憚威自戢久之改提督

浙江學政以崇經術禁浮靡為已任與諸生約

數千言皆以道德實行為先擢分守慶陽道敵

入原州儒督戰却之擒斬無算郃陽令酷誣人

服盜者五六輩按察使雪其冤令為嚴嵩私人

彘巡按御史劾之落職儒廉得令酷狀執下獄

令復託嵩黨求免儒卒罷令去陞山東布政使

為鄉試提調官葉御史以試錄序文犯忌上怒

逮御史並逮儒或勸令自白儒曰豈有同事而

不同其患者乎及對獄一無所言御史廷杖儒

降雜職未幾御史死儒曰吾幸不聽人言不然

是伯仁由我而死矣聞者歎服慨然赴宜君尉

踰年量移佐真定尋復僉憲累遷刑部侍郎會

岳

倫

懷安人嘉靖丙戌進士選行人即轉司副

沃令大同兵變上陳計策極為朝臣所稱丁酉

召拜工部主事尋陞員外郎郎中已亥駕巡江

王

無

賊復寇揚州儒令徒運司積稅入府庫寇至一

累疏乞休得

致仕尋卒

至居民據城以守得以免難感病乞休不允倭

臯泰興海門瓜洲諸邑鎮急築城堡城成而賊

運司署設城外商賈輻輳賊尤垂涎儒下令如

勅巡視漕運冒暑就道會倭由通泰寇揚州鹽

敵軍糧清屯田理道負劾冒濫邊務以肅旋奉

敵入宣大以儒為僉都御史巡撫宣大儒至邊

散軍糧清屯田理道負劾冒濫邊務以肅旋奉

勅巡視漕運冒暑就道會倭由通泰寇揚州鹽

運司署設城外商賈輻輳賊尤垂涎儒下令如

臯泰興海門瓜洲諸邑鎮急築城堡城成而賊

至居民據城以守得以免難感病乞休不允倭

賊復寇揚州儒令徒運司積稅入府庫寇至一

累疏乞休得

致仕尋卒

後補入勿忘下 卷之三十三 勲節名臣 完

漢戒行倫上疏請止上怒下詔獄未幾放還為
民以陽明學誘啓後進每縉紳過談邊務即終
日亶亶不倦皆石畫可行也年五十二卒所著
奏疏及應世諸篇什子魯哀次之名雲石集梓
行

王祚 大寧衛人嘉靖己丑進士性鯁直風采稜
稜歷任貴州道御史諫沮馬市迂嚴嵩矯

詔予廷杖罷居家貧素自甘杜門不預世事後
以才能起補吏科給諫堅卧不復出卒于家

石永 字壽卿威縣人嘉靖壬辰進士累官陝西
副使駐甘州嘗郊行見原隰草木蕃盛詢

知舊為木田以地震泉湮遂募民求覓其泉五
十餘處濬之灌田八百餘頃民爭復業歷陞都

察院右僉都御史巡撫延綏屢著邊功後以兵
部左侍郎兼右僉都御史總督湖廣川貴等處

軍務值猖賊沈雅當高快馬等猖獗永督將士
直擣其巢於澈浦縣龍潭等洞邊境晏然時督

撫請調桑麻等司兵禦倭永上疏極論不便乞
免調安地方省錢糧蒙俞旨著為令尋召為戶

部左侍郎瀕行疾作三省以藥費贖禮致愧正
言却之疾篤總兵石邦憲副使李心學問所欲

欽視其橐中無一語尋卒邦憲心學為治
王本固 字子民邢臺人老成持重不輕言笑嘉靖

甲辰進士任樂安令縣濱海風號難治本
固惟以清淨理之事農桑重學校罷諸不急務

良吏之稱遍於遠邇徵拜監察御史初使秦以
覈兵行繼使蜀以巡察行先後奉公守法官屬


肅憚如一直未幾丁內艱服闋按浙值倭猖獗
有海寇王直者逃罪居倭數為浙患督府以計

誘歸欲釋罪官之本固不可竟阻其議置大辟
朝論避之督府又以寇平欲置酒高會號太平

宴本固以用兵之後不宜冗費乃罷後督府又
以糜兵餉事為言者糾冀其勘報掩之竟以實

聞由是督府愈結嚴嵩每求所以中傷之會遼
左饑奏命賑給米六萬石以騾車運意為緩不

及事假此禍之耳奏改一半折銀濟遼陽遠地
一半本色濟廣寧近地凡再閱月而完遼左安
焉故事御史八年序宜畱內竟以嚴嵩憾出陝



西西寧副使有指揮星鎮者罪當削職潛入那
 臺以千金行賄本固覺竟坐以法又有莊浪糧
 官指勒軍餉以致魯府家丁倡亂委曲諭以情
 法亂者僉服後嚴嵩敗以叅政尋陞大理寺少
 卿晉南京右僉都御史奉勅提督江防晏然無
 驚尋移北晉左副都御史歷刑兵左侍郎協理
 營務隆慶初改吏部會高拱以政府攝銓衡任
 意予奪公卿屢息下之屢以不合故竟遷南京
 吏部尚書時當京察有為張居正所忌者一給
 事中一御史遺書欲俱罷其官竟不允始末歷
 二柄臣毫不少挫持正不阿蓋如此萬曆元年
 以二品考績還移疏乞休准調理疾愈以居正
 憾故家居不起謝人事閱醫藥周貧恤族外無
 他羨焉迨居正歿屢被薦舉起用漠如也年七
 十卒歷仕三朝偉節豐功
 昭人耳目欽賜祭葬如例
 趙孔昭字子潛邢臺人嘉靖甲辰成進士任鄆陵
 知縣詔為監察御史出按遼東時遼將李
 錡不法倚仇鸞為恣橫人莫敢言昭毅然劾之
 再按兩浙會倭寇猖獗有詔切責撫臣立令督
 兵往剿昭以巡按御史紀功罪平倭績上錄其
 功陞俸一級尋陞大理寺右寺丞累陞右僉都
 御史巡撫宣府外敵入邊京師震動孔昭統兵
 星馳直走岔道敵乃遁去口不言功會科臣媒
 孽論劾不俟終日行庫有美金數萬守者請納
 竟不取穆宗即位復以右僉都御史巡撫浙江
 請停織造以紓民困上嘉納焉尋陞戶部左侍
 郎總督漕運徐淮大水疏請蠲賑招商易粟米
 全活不可勝計以中蜚語回籍世宗初復起巡
 撫山西時順義雖稱欵塞事實巨測昭徧歷險
 盜指畫方畧每奏績累累尋召入協理京營
 戎政以病請休里居十年卒予祭葬如例

賈

衡

字守準束鹿人而穎秀八歲能屬文父
 里汝能對否衡應聲曰周代承殷代八百多年
 父奇之既長工舉子業嘉靖丁未成進士授刑

部主事嘗與錦衣衛官陸東湖論囚法當死陸
 有私囑大司寇從末減衡執不可大司寇怒調
 他司由是權貴側目以憂去起補禮部儀制司
 尋調工部營繕司員外丙辰會試故事瓊林晏

坐次營繕司先期繪圖呈首相時嚴嵩父子當國世蕃見之怒曰吾坐何側也衡曰有父翁在蕃曰朝廷大典寧序家庭耶衡曰休哉誤也爭父坐非人子禮爭殿上非人臣禮願執事熟察之世蕃默然瞪目以視未幾陞僉事分巡河北期年會巡撫章煥納賄賂巡方御史楊維平劾之楊與衡鄉同年章疑衡意蜚語中傷世蕃媒孽之遂落職所著有傳錄平軒集

毛

鵬字汝南棗強人嘉靖丁未進士筮仕江陰磚石費鉅萬計而民不告勞奏最召拜御史出按宣大條邊務至百六十餘疏劾饒陽王充燕通敵稔惡中官劉寶助虐憑陵按治論辟擢太僕少卿尋陞僉都御史巡撫寧夏漢唐時地有二壩夏人以之溉田歲久堙塞至則親度疏濬水利復興橫城馬頭隘口舊無亭障乃築墻塹一萬八千五百餘丈柔糞入犯清水營及興武花馬池鵬前後指授方略俘獲甚多西夏倚爲長城擢都察院右副都御史巡撫山西以疾乞歸卒

王好問

樂亭人嘉靖庚戌進士授太常博士時嚴嵩當權泊然自守久之擢御史劾巨璫不法出按秦晉上與革便宜數事却諸祥瑞不以聞穆宗御極益多獻替并劾近侍謀典兵柄尤極剴切遷大理丞歷官南京戶部尚書時詔賑江南不待移文發賑日奈何稽朝廷意以忍飢民有古大臣風卒贈太子少保好問天性恬靜立朝恭謙而內實毅然不可奪所著春煦軒集三十卷

梁夢龍

字乾吉真定人嘉靖癸丑進士改庶吉士授兵科給事中慷慨言事鮮所避忌李默吳鵬先後爲吏部尚書行私黨權夢龍劾奏時論壯之時值世宗崇事壇祝學士袁煒草青詞稱旨上將爰立爲相夢龍抗疏言相臣宜舉學術純正者無輕掄選俾聖治不光上覽奏怒甚賴大學士徐階力救僅奪俸出爲河道副使會河決沛縣行河使者議開新河夢龍考箕誨鍾與卒同力大暑疫作出俸庀藥材飲諸役徒活數萬人歷陞都察院右僉都御史鎮撫山東遼

大饑人多避役海島上數為青齊害夢龍上三
 策入事卒用安撫河淤宿遷口議行海運詔屬
 夢龍悉心調畫績成加秩未幾中州大盜起大
 學士高拱河南人欲遜有幹畧者以遏之特改
 夢龍鎮中州至則畫九議行之不數月盜悉解
 入為兵部右侍郎遼東王杲城捷聞賜麒麟服
 命持節往資官軍已陞右都御史總制薊遼首
 除鎮軍疾苦簡軍實脩馬政築城壘謹烽堠慎
 擇將領厚間諜分偵探法先後奏大捷者九廕
 一子錦衣千戶晉太子少保召入視部事旋晉
 太子太保改吏部尚書以年例陞轉科道官拂
 時相意即三疏請骸予告歸優游林下二十年
 卒贈少保予祭塋所著書有賜麟堂集讀書
 日錄史要編海運新考歷官表奏效忠錄要
 張學顏號心齋肥鄉人嘉靖時進士知曲沃縣歷
 政晉戶部尚書丈量天下田畝定會計錄調兵
 部疏停內操雲南緬賊平加宮保因毋病乞終
 養詔起官不赴父毋喪皆廬墓有白雀來巢之
 異神宗賜移孝作忠勅年七十五卒加祭葬予

廕

周京

字在鎬永平人嘉靖癸丑進士潞安推官
 先諭散之而後疏請誅首禍者營兵感而畏之
 遷湖廣叅議廣西巨寇馬五等將趨永州為亂
 設伏擒之因散其餘黨再遷西寧副使
 聯其部落以禦點敵終行太僕寺卿

李齊芳

字見甫成安人嘉靖丙辰進士知歷城縣
 絕不與通遷戶部主事世宗崩穆宗未即位闔
 人傳中旨除官中外駭愕無敢言者齊芳慷慨
 上疏語甚激烈上得疏覽不釋手中官卿之謫
 佐同州尋移衢州時防礦兵數千索餉鼓噪齊
 芳往平之終

申佐

字懋良永年人嘉靖丙辰進士授岳州推
 官值狼兵劫擾捕治首惡境內清寧擢御
 史獨立敢言轉山東僉事解散蓮妖遷陝西叅
 議平巨寇以邊功陞陽和叅政俺荅乞通貢市

後甫人勿忘下

卷之三十三

其子台吉謀劫盟擁兵數萬屯塞外欲挾加歲幣佐單騎出塞三十里調畫定盟卒使稱臣獻貢督府上其功為第一擢僉都御史巡撫大同尋以忤張居正罷歸後有旨起用會卒賜祭葬

張國彥

字熙載邯鄲人嘉靖壬戌進士事祖母楊

陵縣擢給事中疏請召對訓儲及諫止買珠遷參政召為順天尹因禱雨陳言述都民阡危狀擢都御史撫治鄖陽房山民史錦用開礦之說或上連疏極諫乃止協理兵部尚書時驛遞疲敝奏設背包軍馬令畿民遣戍者還籍充之軍與無悞而民亦感德洮河之變有社稷功晉太子少保賜飛魚服乞骸骨改刑

王時舉

字晉卿通州人嘉靖壬戌進士授河南府

推官召授侍御史以言事忤權責謫徙廷慶隆改元復官時中宮無子寵衰時舉列疏論之亟請正位中宮以端治本語極切直萬曆初掌河南道請復建文年號尤為大義累遷大理寺少卿每遇疑獄必委心推訊求生法不得

嘆息而後置之理以疾卒於官卒之日笥惟禮衣數襲圖書數卷而已

石星

字拱辰東明人嘉靖時進士官給事中疏

忤旨予廷杖即祥為監杖使星復詈之祥怒杖益厲幾斃神宗立詔起原官歷陞兵部尚書寧夏變起星手疏跪門泣云賊未授首皆諸將畏縮願陛下賜劍督臣十日不捷先斬臣頭上感動遂賜劍十日果捷論功晉宮保先是日本入犯勢甚張經畧撫臣謂封貢便星遂以璽書往會鎮臣擁眾襲之倭知變引軍還封事遂解蜚語流聞置星于理遂病卒久之事白官其子茂恩為錦衣千戶

張鎬

字啓周定興人就塾時水戲沒垂死恍惚

有大畧成進士任職方郎有三弁輦金求陟鎬具疏劾之會陝西督臣曾銑議復河套當事者昨舌不敢任鎬毅然曰祖宗疆土委之旃裘羗寇穴巢道于門戶謂國有人哉况主客異勢勞

勲節名臣

費不貲安危之機決于今日復之便即有意外郎自當之其仔荷如此後治兵懷來填撫上谷威望屹然敵人不敢犯未幾拂衣歸卧白河書院疾革賦詩翛然而逝祀鄉賢

戴

才

字子需滄州人嘉靖時進士授行人擢戶科給事中會邊事告急議加賦額才抗言

畿輔山陝頻年募兵市馬勞費已甚而復議增馬江南諸郡先期輸納料銀又豫輸機兵民快而復議增賦是竭澤而漁也部議格不行歷陞南京太僕寺少卿循行郡國精心牧政陞都察院右僉都御史巡撫甘肅新中寇禍無多車騎印羸卒乘亭障者亦半菽不給才至撫其瘡痍而乳哺之首為請帑餉墾荒田興水利乃次第簡兵將習技擊飭烽埃敵入輒創而去則以其間建學明教振廢省刑撫甘五年以積勞晉副都御史巡撫西安五郡移鎮原州套奠忽由定遠互楂諸路入雖非所屬而言者連及之詔才歸就覈事自仍以原官巡撫河南未幾入為刑部侍郎旋改戶部侍郎督餉通州才言敵勢巨測微發貴豫請令密雲諸餉司悉心經畫

刺

益廣儲蓄俾應援兵馬所在關支如取諸寄此與輦輜重而勞軍者功相倍也從之敵去陞兵

部右侍郎總督三邊軍務才三蒞陝熟其利弊中衛南有腴田可萬頃民苦兵不得田作才為相度地形築墻建堡秦隴之間屹然遂成巨鎮會俺荅請開馬市報可才上疏極言其非當國者惡之或諷以第開四市如當國指延賞可立埃才正色曰市之利害籌之熟矣徇下而謾上便身圖不計國是有臣如此將焉用之遂有旨切責竟開甘肅市尋進兵部尚書兼右副都御史總督如故繼命以原官叅贊南京機務俄以母憂歸居數十年屢薦不起卒年七十三

鄭

洛

字禹秀安肅人嘉靖時進士授登州司李擢御史遷湖廣少叅郢為肅宗湯沐邑大

修顯陵洛建言部使公私俱便陞河南右轄尋陞副都御史撫山西移撫雲中領節上谷時順義王請乞無厭洛斥之順義王死子捨嗣捨驚愈甚洛帥數騎面諭以利害捨稽顙受封順義之甥孫女號三娘子者捨納為姬多智能部落悉歸之洛威惠使無敢貳火落赤突犯臨鞏挾

後甫入勿忘下

卷之二十三 勲節名臣

捨為重上命洛為經畧往征之六月三捷論功

積穀賑荒德在鄉里子孫彬

楊行中

字惟慎通州人嘉靖時進士授山陰令選

部請剿行中疏請榜示諸城合亂者自相捕以

贖罪上嘉納之事得寢世宗將幸承天行中具

疏力為諫止上震怒令廷杖會風霆變作得免

累擢左副都御史嚴嵩壽七十朝臣致珍奇稱

觴行中獨不然嵩不憚轉刑部侍郎時鄭王言

事過直嚴旨切責仇者乘機訐奏王不軌四十

稍釋勞以羊酒尋陞南京工部尚書時倭寇猖

獗請修葺城垣以資防守轉南京吏部尚書大

學士李本嵩黨也攝吏部事引山陝地震彗星

災異請免行中塞天變未幾嵩

敗首蒙召用年八十以疾卒

陳堯

字敬甫通州人嘉靖時進士始為工部郎

出治清江浦所至審擇便利人至今法之

官退居九年卒

王

遼

號繼津霸州人嘉靖時進士授紹興推官

上疏論嚴嵩自分必死以幼子女託之遼曰君

為社稷計吾獨不能為社稷計遂以女許字

其子時有劾嚴效忠嚴鵠冒功者下兵部察覆

遼曰冒則冒矣通國皆知安須察尚書聶豹嵩

黨也出一疏稿示之遼不可別具一稿呈堂豹

覽之不一釋曰此何主見遼曰無他不敢欺皇上

不敢負先生豹曰何云不負我遼曰先生平日

講學以聖賢自處前稿一出名節掃地矣豹曰

如此則君為君子豹為小人矣遼曰願先生亦

如

為君以他事中之下遼於獄勘不實得釋繼盛上

疏果論死西市遼為收尸作詩哭之或曰屍可

收也詩不必作遼曰不必則都不可則無不

後甫人下

卷之七

勳節名臣

卷

綏有保安之捷巡按御史溫如玉又希嵩旨劾
 之回籍聽勤會西北事急巡撫宣鎮事平請告
 不允陞兵部右侍郎提督京營三辭不允與首
 相張居正語不合因自請行邊所至峻絕餽遺
 固原總督戴才以鄉曲舊好來致賀却之才曰
 彼此尊官何以却遂曰禮義由賢者出官豈足
 言哉事竣中途請致仕歸萬曆初起為南京兵
 部尚書隨改北有以璫僕託陞錦衣衛堂官者
 遴堅不聽託者大恚會中官張祐遺例取馬遴
 以無印封駁怒者遂擬擅留御批言官且承風
 起遴遂決請致仕歸家居數載

王命

字欽甫饒陽人嘉靖時舉人除鳳翔令盡
 滅供應不以煩民直指行部至僅具廩餼

且自言邑貧甚不能加賦以餽厨傳願罷去直
 指大賊既而廉其治狀語諸監司曰令古人也
 吾儕當共調護之俾行其志命以此益展意自
 信邑有驛每為乘傳者所橫索命乃置籍於坐
 右按牒而給竟無敢多索者歲省若干金郡邑
 歲時公宴舊皆倚辦里甲猾胥因而乾沒之命

遣見年諸役悉歸農計費授直平而以供所省
 復若干金公用器具歲置歲廢民苦賠累命自
 於守自掌其籍終歲不損一物所省復若干金
 俸薪所入別貯之凡民有耕不能具牛種織不
 能具機杼貧不能婚嫁逋官租久繫不能償者
 咸周給之邑境秋禾正茂忽蝻為災命為文祭
 之一夜不知所往秦人傳為異政會入覲騎乘
 皆自備蕭然僕隸數人而已既而竟罹察典或
 問其故命曰吾不能善事上客負罪良多大人
 長者時或見原獨恤刑使者移檄治裘費可五
 十金吾未有以應今牒具在疏言於朝當與兩
 敗然寧人傷我勿我傷人其長厚如此命歸家
 未幾而卒

福時

東安人本姓張福時其名也諳韜鈴善騎
 射嘉靖中以世職歷官漕運叅將值河決

贖運八載以軍法為部署日泛駕於洪濤怒浪
 飛輓為諸郡先身處膏腴不膩一錙以故大學
 士徐階兵部尚書楊博深知之晉掛印總兵鎮
 淮安總漕如故一時聞譽上徹宸展世宗以清

畿輔人物志 卷之第二十三 三 勲節名臣

不過福時勇不過馬芳稱之尋徐楊去國有欲
為總漕者賄言官論去之數載台班特薦不起
世宗嘗錫之手勅皆名而不氏故以改福姓云

賈待問

字學叔威縣人隆慶戊辰進士初知咸寧
縣擢給事中以忤馮瑞出守懷慶修築堤

防以息沁河之患人稱為賈公堤歷陞太子少
保右都御史巡撫陝西值神宗銳意權採中貴
挾權橫恣待問不避怨嫌力為節制民賴以安
在陝七年外讐強敵內保遺黎勲業爛焉以勞
瘁成疾連章乞骸骨未允卒於官

田樂

任丘人隆慶戊辰進士累官巡撫陝西總
督三邊軍務沉毅有謀屢建奇功開松山

八百里陞太子太保兵部尚
書廕一子卒賜祭葬謚文襄

苗淳然

字實齋曲周人隆慶辛未進士初為禮部
主事值神宗建儲未定舉朝爭之而朝鮮
適有廢長立次之請淳然慮惑朝聽焚其表不
以開宗伯惶懼及上問具以實對上領之遷陝

西叅政劾貪墨吏併及吏部巡
撫聲震一時終行太僕寺少卿

姜璧

字元卿文安人隆慶時進士授樂安令邑
有大俠王彥飛者聚黨橫行里中以毗睚

斬

殺人他令莫敢問備兵使者行縣索之弗得璧
至名諸賊曹授計擒之彥飛至庭論既具立斃
獄中衆咸凜凜在邑五載召擢御史按淮上淮
水大溢總河督臣與巡撫相掣肘有司行河者

卒委之倅貳事權不一難責成功璧請罷督河
以其事歸巡撫又言河口外高內下開支河則
引倒流之潮恐啟私販之路不若修范公廢堤
使內水不出外水不入外不損鹽竈之地內不
傷耕植之田疏凡數百言皆鑿鑿可行部覆如
議按中州河南贖緩歲額四千後漸倍之璧日
此小民膏脂也非刑罰嚴竣何至是乎卒如舊
額擢撫鄖陽當恒擾之後推誠布公一以寬大
行之不為束濕
未幾中蜚語歸

朱正色

字應明號和陽南和人萬曆甲戌成進士
除偃師令有政聲調江陵時張居正父喪

歸里使者奉詔護送欲於文廟開讀詔書正色
 曰夫子素王百世奈何以護喪諱而峨橋門使
 者悚息改讀他所歷陞南駕部郎時有南都六
 君子之稱公與焉丁內艱服除備兵肅州教陣
 法習技擊遂解金佛之圖轉甘州憲副軍士以
 大將軍激變至欲甘心臺使禍且叵測正色計
 縛其魁解散之水泉告變上雅重其才望屬之
 出奇以捷聞寧夏有變上雅重其才望屬之
 節鉞至則相其形勢疏請水攻遂縛呼承恩劉
 東陽俘馘闕下晉右副都御史予縻錦衣賜文
 綺白余後數載致仕
 歸卒於家予祭葬

傅好禮

號約齋固安人萬曆甲戌進士由知縣徵
 授御史因事納忠直言敢諫如請誅怙寵

之中官裁跋扈之戚晚尤人所不敢言及巡按
 浙江值歲大稔動帑銀二萬留漕糶萬石賑之
 先發後聞曰侯命至民已填溝壑矣後為太常
 少卿時權使四出海內騷動遂抗疏言假官抽
 稅之害不報更補贖跪闕下者三日神宗怒
 降典史諸臣交章仲收皆斥降遂終於

李化龍

號霖寰長垣人萬曆甲戌進士授嵩縣知
 縣陞南工部主事歷郎中陞河南提學僉

事轉參議遷山東提學副使叅政河南晉太僕
 少卿遼東巡撫乙未加陞右都御史兵部右侍
 郎回籍調理以楊酋倡亂起為總督川貴湖廣
 巡撫四川經畧播州總入路兵將征勦播平丁
 憂服除起右都御史工部右侍郎總督河道丁
 未陞少保兵部尚書協理戎政巳酉回部管事
 考滿加少傅兼太子太保辛亥十二月卒贈太
 師別歷中外動著勲猷卒能保全功名仰膺恩
 眷

牛惟炳

字承庵曲周人萬曆甲戌進士選給事中

嘗勸上勤學視政上嘉納之有旨選宮女
 上疏切諫乃止真人張國祥乞修壇廟兩宮發
 銀三萬兩已出國門疏上追還陝西荒旱惟炳
 以封王入境見餓殍枕籍即馳疏請賑
 發銀五十萬差官賑濟終徽寧副使

趙南星

字夢伯號儕鶴高邑人萬曆甲戌進士初
 授汝寧推官稱廉平為要人所斲僅擢戶

部主事張居王卧病朝士為之建醮祈安南星
 不往仍為紀事詩云二豎能憂國千官為祝年
 播傳人口居正歿以物望移吏部尋乞歸後起
 主選司事所推擢如海瑞何以尚等皆一時人
 望上疏譏切時政抨擊要人為時所忌復引疾
 歸未幾再起考功司會大計澄汰流品倭若水
 鏡斥時相私人坐是奪職不報光宗嗣位即家
 起太常少卿累遷左都御史癸亥內計南星作
 四克議所鋤斥畧與癸巳等晉吏部尚書謂長
 安交際殷繁士大夫疲於應酬亭午入署憒憒
 不支請繼自今昧爽入署以為常又欲久任巡
 撫與郡邑賢守令嘉與澄清又疏論請託營求
 之弊有曰今日遂成面皮世界書帕長安聞者
 悚息兵部主事鄒維璉有風節少卿楊漣素忠
 鯁南星俱破格用之俾佐風紀漣遂疏劾魏忠
 賢二十四罪先是逆璫知南星為海內人望囑
 其甥傅應星介紹修好輒麾去又嘗同坐闕門
 忽莊語同列曰主上冲年內外臣子各努力為
 善璫默然怒形於色大學士魏廣微父允貞南
 星故交也廣微登揆席南星猶子裔之一日躡

門請見拒不納廣微嘗毀李三才非正人南星
 曰邪正自有公論若脩慝怨三才不嘗上疏救
 而翁耶廣微漸而退因齟齬焉會總憲高斗光
 劾忠賢義子御史崔呈秀貪狀南星議戍之呈
 秀倉皇走忠賢所叩頭請命言不去某我父子
 未知死所遂以推山西巡撫事矯旨鐫其官輒
 乞骸歸璫怒不已旋喉倪文煥誣南星受賂令
 撫按庭鞫挫辱之南星子甥皆遭痛捶坐賂一
 萬五千謫戍代州南星坐短轅携殘書至代蹴
 居小樓顏曰吉祥又埽除土室顏曰味槩杜門
 讀書會崇禎改元肆赦巡撫牟志夔故稽留不
 釋遂病卒戍所璫敗追贈太子太保論忠教南
 星卓犖負大節悲歌慷慨輕死重氣嘗上疏云
 臣年已八十日與人爭執若少年用壯者然時
 危如此不救何待年如
 王 此不做何待故諡忠毅

黃吉士

字雲蛟內黃人少醇謹有德量嘗夜讀書

行人擢御史正色立朝權貴憚之巡蘆溝請停
 門稅按淮楊請停浮鹽按宣雲請停礦使晉京

兆步禱祈雪有威里犯屠禁繩以法自此大官無諸腥神宗詢其故中宮以府丞禁屠對上曰彼為國為民吾寧甘食肉哉萬曆丁丑進士

黃 是夜遣中使持御酒賜之 王世揚 字孝甫廣平縣人萬歷丁丑進士出行人擢御史巡視茶馬值歲祲疏蠲贖緩留茶

課以賑之按浙議改折減織造蠲賑杭嘉四郡災傷又按中州治河視堤積埽厚餼且豁虛賦

使沿河流民占田自種遷大理丞轉少卿仍兼御史閱視延綏陳善後十事巡撫上谷西陲晏

然總督宣大山西邊人皆嚙指歸命召入為兵部侍郎兼右都御史協理戎政部署肅然會甘

肅奏捷晉兵部尚書以毋憂歸後論宣大功即其家加宮保錫金綺予廕及卒贈太保賜祭葬

陳登雲 號南濱栢鄉人萬歷丁丑進士授鄆陵令一歲中墾田百餘頃桑柝成休人號為陳公桑

陳公柝績最名拜御史出按山西先是劉御史某疏斥嚴嵩嵩恨之有于御史某者阿嵩意誣劉戊遠州死之于劉皆晉人也登雲至晉見有

名御史坊書于銜登雲令撤之更題曰乾坤正氣書劉銜復按河南歲海饑民食雁糞登雲取

雁糞一封具疏以聞上為感動出帑金十萬賑之大康烈女殉夫登雲請褒之疏云學士大夫

懷一心以事君又懷一心以附勢綱常不知為何物節義等之若弁髦聞此女之風當愧死無

所尚黨益恨之號之曰陳老虎登雲自知難容遂乞歸未幾病劇索竹葉一盃耐地曰天下事

付此盃 中矣卒 鹿 字子誠定興人萬歷庚辰登第授息縣令

時清丈天下田定上中下格久徵報息田皆下藩司勒如格堅不易往復數四藩司不能

奪六越月艱歸息民頌碑屹立復補襄垣奇荒異政茶蓼自將五年如一日選授御史人不敢

干以私亢早上飭百官修省久徵謂天之怒不專在百寮回天之政不專在靡文疏請三事為

修省之實上納之尋丁外艱復補江西道時倭數警經畧宋應昌不展一籌比代獻倭圖倭器

意懷觀望久徵數斥乃倉皇去及按蕪松興葺

十六事各中機宜比代還會上以兵部軍政事
 務怒南北臺省斥五十餘人徵毅然疏救辭
 激切蒙譴判澤州由是直聲動中外從謫所旋
 里杜門謝客教子孫讀書泊如也當事者疏薦
 無慮十數後有榮陽之命構疾不起子
 正孫善繼曾孫化麟各有傳祀鄉賢

張主敬 真定人萬曆癸未進士為長治令直方廉
 幹政聲甚著擢工部主事歷陞車駕司郎
 中先是上久不立儲言者貶黜相屬至是並封
 三王待嫡當國者遂奉行之主敬上疏言無嫡
 立長古所通行未聞有待嫡者輔臣違經悖禮
 河意從史希一身之寵榮萬一危機潛駭禍及
 社稷臣恐輔臣之罪天不能蓋地不能載也疏
 入不報未幾移病歸丁憂除服補職方郎時倭
 侵朝鮮朝廷為大出師兵部尚書議與倭媾倭
 不從倭去議者首鼠莫肯決主敬獨以為倭至
 而救之中國之仁去復代之守久戍海外糧運
 甚艱非中國所宜力主撤竟撤兵倭亦不來歲
 省餉五十萬未幾播州土官楊應龍叛議者勦
 撫持兩端主敬又力主剿徵兵十餘萬八路並
 進不兩月而捷書至人皆以主敬功會遼東稅
 使太監疏叅大將軍馬林上用其言罷之給事

中侯先春爭之士怒甚因兵部不
 丞推代者削主敬籍里居數載卒

崔景榮

字振峯長垣人萬曆癸未進士授平陽推
 官以治行入為侍御史時青宮久虛宦官

張鯨怙寵構隙舍長別屬景榮劾鯨不法十二
 事上始下鯨法司治罪明年定儲國本以安出
 按甘肅洮河告警上四議皆中機宜繼按四川
 播會為亂上起李化龍討之以景榮諳於軍機
 賜璽書監軍未幾殲賊奏凱以功陞太僕卿尋
 擢都御史巡撫寧夏居二年邊陲晏如入為兵
 部侍郎請罷延鎮兩市及處置演事皆封疆大
 計尋拜兵部尚書時邊事已不可支經畧某持
 議相左遂引疾歸僖宗時起為吏部尚書時魏
 忠賢謀陷楊漣左光斗景榮申救至再不報乃
 杜門引疾疏九上始得請出都以手書貽大學
 士語激烈忠賢聞之矯旨奪景榮官且耽耽欲
 中之崇禎初忠賢伏誅詔復
 官卒贈少保賜祭葬有加

馮有經

順天人萬曆己丑進士以右中允克東宮

奏曰臣承乏春宮輔導無狀致殿下失起立之

禮敢請其罪

馬經綸

字主一通州人萬曆己丑進士授肥城令

皆河漢其言比入京欲疏請還治肥人以非制

阻之不果上時上方嚴譴言官旬日中被斥至

爭以五事責上上大怒謫米脂典史尋削籍里

居且久聞溫陵李贄寓麻城楚人不相容迎之

俱北與窮寇易學未幾贄以妖言被逮經綸曰

贄為妖人我匿妖人者也死則俱死耳同至都

門外上書當道云評史論斷人各有見豈能盡

同亦何必盡同有異正以見吾道之大補

前賢之缺假使講學之家一以盡同為是則大

舜無兩端之執朱陸無同異之辯矣惟不同所

以為藏書惟宜藏而不藏所以有今日朱考亭

之學當時指以為偽蘇子瞻之文當時斥以為

非久之論定朱學大行蘇文之盛至家傳戶誦

甚矣學術之難言也何贄獄中自裁屍出之

通州城北大治墓道經綸罷秩後卜居村墅杜

門却掃不琴不棋亦不能蕉葉飲終日誦讀如

書生言笑俱慳動移亦簡乙巳疾作正容端坐

馮盛明

涿州人萬曆己丑進士授扶溝令調萊蕪

時歲大熟穀賤傷農盛明出令徵輸支給

悉以穀穀稍貴商以錢易穀既又以金易錢由

是額金無缺而課乃得最餘穀捐俸置倉貯之

以備荒明年出儲穀煮粥賑隣封之饑陞大理

評事歷陞開封府知府設計擒睢陽劇盜不遺

一矢總河疏薦陞淮徐備兵副使治河功成三

被劾刑部尚書黃克纘棄官代理誣乃白卒贈奉政大夫

王經邦

字鞏颺真定府寧晉縣人萬曆己丑進士授行人出使兩藩餽遺力却不受歷戶部

郎中督餉甘肅支放二百五十萬金常例盡革軍中設位而祝有黃傘濁青傘清之謠病卒於

軍道臣視含殮簡床下一笥廿餘金嘆曰吾輩當愧死數年後御史行部見軍民交頌特請於

朝贈布政司左叅議郎官從未有贈蓋特典也

王永光

字有孚長垣人萬曆壬辰進士除中書舍人時有詔有言冊立事者斬王永光慷慨具

疏語多激切神宗嘆曰癡進士也置不問以望擢選部郎檢故牘見建言降謫者二百有奇永

光察其尤者請復其官士論歸之歷工部侍郎與受光宗顧命熹宗初陞兵部尚書時逆璫擅

權亂政分遣內臣出鎮永光上疏力諫璫矯旨切責亾何王恭厥災復抗疏言中旨不亾頻出

詔獄不亾常下意緩楊漣左光斗之獄語更切直璫復矯上傳訶責之遂連疏乞休璫遣邏及

門卒無所得崇禎入繼起為吏部尚書條上銓政六事獲褒論上每稱為王尚書而不名會有

忌之者因力求罷上曰朕自與卿作主王永光既受殊恩因請行寬大力救輔臣劉鴻訓錢龍錫

工部尚書張鳳翔皆諸臣所不敢言者又著品級考一書至今遵之久之乞休賜乘傳歸里歸

之日禩被蕭然著有冰玉堂集卒賜祭塋

梁應澤

字射侯清苑人萬曆乙未進士授戶部主事歷陞徽州知府時礦役橫肆新安素封

如凡上肉應澤執持之奸不得熾尋擢河南副使攝河防道事積鎗盈萬吏曰是應取之應澤

曰吾攝官非攝庫藏也轉平涼副使清釐民田之鬻于宗室者做古限田之法夙弊以絕及巡

撫鄖陽上疏云天下大計兵餉為重宜令計部與督撫同心協謀然後內不苦浮胥外不愁掣

肘語極剴切時南陽加賦過正供有半應澤請減遠餉一萬五千有奇又均減三釐之派三萬

有奇至今人誦之所著有守正齋集

米萬鍾

字仲詔宛平人少時文章翰墨之譽滿天下萬曆乙未成進士歷任江西按察使以

調護太常卿黃中直為瑞所怒家隣瑞居求書翰不應益怒屬御史倪文煥劾萬鍾為黨魁禍幾及其子遂削籍因挈家避清源杜門臨古帖作畫四方索得片楮一幀如琪璧瑞敗起補太僕卿未幾病卒生平雅慕米癡蓄石八種曰八友各圖其形命之以各人皆呼為石友先生所著有澄澹堂文集書畫船詩集及易義彖緯兵鈴石史諸篇行于世

田一井

字尚助安州人抗直磊落丰標俊整萬曆辛丑成進士釋褐為計部主事會尚書某

務節羨名虧守邊軍糈一井疏論之坐是左遷河東運判無何假沐歸里以薦復入計曹直聲益震司潞河庾出納獨平有贏米用以賑流民修倉廩一粒不私出為山東按察副使監登萊軍道鄒滕白蓮妖人倡亂一井謂者從可憫議主撫撫軍欲以剿立功不用扼腕累日視師海上至百丈崖風濤怒湧雪片如掌一葉之舟出沒于驚波駭浪中央帆摧檣危在餓頃眾皆震懼悲號面無人色一井仰面大呼日吾奉命視師海神能陷我乎吾不畏也須臾雲止抵皇城島見難民數千有凍餒死者悉以舟渡至登全活甚眾登有天橋口往往覆舟一井捐俸別鑿港功垂成海將潮一井立海岸不去少須水大至以拳擊水大叱日我為百姓作福爾海神欲壞之耶漂則先漂我須臾海不潮人稱千古奇事未幾以屯田忤上官拂衣歸隱居葛山蕭條灑落薦辟不出

李若珪

南和人萬曆甲辰登進士第授行人奉命封藩王謝絕交際拜給事中彈劾不避權

貴舉朝憚之萬曆末因循不振若珪上疏日事勢不窮則不變人情不激則不與困心衡慮此正其時惟在君臣之自振耳振之道在上莫若信在下莫若耻賞罰不行則不信用舍不決則不信朝令而夕改則不信護內以拒外則不信飾虛文以誑臣下則不信借端以箝人口則不信有財而言無財則不信口急而心不急則不信多生猜疑則不信令人難測則不信皇上

一自反而可得也。不作實事，負朝廷之養，則無耻。不求盡心，咎時事之難，為則無耻。占風望氣，樹黨招徒，則無耻。寅夜請託，納賄行私，則無耻。寧拂清議，不敢拂人情，則無耻。寧負朝廷，不敢負中官，則無耻。好官自我笑罵，由人則無耻。回護隱忍，知而不言，言而不盡，則無耻。諸臣一自反而可得也。神宗崩，光宗即位，時梓宮在殯，中宮未冊，宮人李氏有寵，詔封貴妃。若珪奏曰：「四大禮未舉而先冊貴妃，告之宗廟，而言不順議之天下，而典不光，垂之史冊，而天下萬世視今日之君若臣為何如也！」踰月，帝崩，熹宗即位，又欲改明年為天啟。若珪爭曰：「是無先帝也。」即建議以八月以前為萬曆四十八年，以後為泰昌元年。明年為天啟元年。詔從之。帝大婚，命官李實、劉克敬出求淑女。實等多請役從，若珪抗疏爭之，不聽。實等面詈之，因謝病歸。上書內閣曰：「言官有言責，今不得其言矣。」言官有氣節，今為中官辱矣。一官可棄，七尺可捐，而性生之氣節必不可屈。今天下治亂，惟在爭中。旨中旨不爭，則言官危；言官危，而大臣亦危。大臣危，而天下危矣。越數月，召起遷太常少卿，歷大理少卿、撫鄖陽。時邊餉交征，民不堪命。若珪上輪，鄖鎮軍需六千餘金，請蠲積逋，進刑部侍郎。魏忠賢用軍，起大獄，知事不可為，遂引退。崇禎丁丑卒。年六十九歲。撫按以聞，賜祭葬，贈尚書。

劉遵憲

字可權，大名，人。萬曆甲辰進士。令滋陽。九月，部主事未幾，調兵部職方郎中。有中官持牘私干，遵憲據案，艸疏擬劾。奏尚書知而力止之。乃劣處其營求者，而人卒不敢以一函相及也。乙卯，擢武德道。旋以邊才改甘肅道。甘鎮孤峙，天末番族，德道旋吹馬嘶，不絕於耳。且軍食久匱，戰士饑寒，遵憲嚴課衛官，大修屯田。三歲四奏捷，未幾，以內艱歸。服闋，起補大同左衛，以敘甘鎮功，加左布政使。時素囊荒胎，基挾賞，侵邊遵憲陽示羈縻，時時遣精銳小創之，終不敢逞。壬戌，陞本鎮巡撫。移馬市於關外，邊人便之。往例市有稅，遵憲聞而駭之，曰：「戎事需馬，為重。猶將召之使來，厚稅以奪其利，乎嚴為禁。」革乙丑，陞

下 勲節名臣 已

兵部添設右侍郎前署部事部中有識之者曰
 此昔年名職方也於是請託苞苴悉為屏絕時
 值舉行軍政魏良卿疏爭曰軍政大典祖制乞免考察
 下部議遵憲抗疏爭曰軍政大典祖制乞免考察
 久世廟時暫免一次以金晉有大勛故朝廷則
 典若臣部所守者祖宗之法恩典出自朝廷則
 可非臣部之職掌也上從之拜尚書管侍郎事
 因見逆璫虐酷日盛舉國如狂上疏請終養忠
 賢矯旨責其規避復力請始得予告歸崇禎帝
 御極逆闖伏法起拜工部尚書上閱都城獎其
 勞績賜銀鈔廕一子復連章乞歸溫旨勉留加
 太子少保幫築外城限三年竣遵憲九月訖事
 上喜賜銀幣加俸一級是時部事多艱上責條
 嚴急諸臣不稱旨者逮斥無虛月刑獄幾滿會
 錢局穴墻事聞屢為剖白雖嚴旨鐫級終不以
 莫須有坐無辜主事駱方壘等卒從減末或曰
 聖怒難犯公為人獨不自為乎遵憲曰人之愛
 其功名誰不如我壞人名節博我功名吾不為
 也且吾位至六卿自謂踰分向來求歸未得倘
 因此獲罪去固所願也人服其得體未幾以病

歸亡

魏純粹

字乾仲栢鄉人萬曆甲辰進士授陽武令
 邑濱河歲嘆純粹為蠲減立四則十議歲

省民間金錢鉅萬積困以蘓朱旺河決僅用五
 千人而役竣河遂南徙邑人誦神助既而甃城
 垣清徑役辨宗田實有卓政以高等考適永城
 河決調純粹往相機濬濬河循故道救溺者以
 千萬計議開荒十二畝倣古井田法泐渠井都
 堡為均田給牛給餉墾田三千頃麥秀兩岐百
 姓為之歌曰永清堡北岡後麥穗長皆雙偶魏
 公之澤真不朽直指使者又奏治平第一召授
 監察御使侃侃條議皆中窺要出署閉戶焚香
 讀書絕不妄謁權要時門戶已成仕途猥雜心
 憂之聞父病堅乞歸侍疏云有子而不奔父之
 急世間安容此子有臣而不盡子之道皇上安
 用此臣拜疏即行歸里年餘疾卒高陽孫愷陽
 深重人嘗稱有經世才而未竟其用以為惋惜

孫承宗

字稚繩高陽人別號愷陽幼頌杰凜然如
 成人長而鐵顴劔眉戟鬚尺髯音吐如鐘

肩背廣濶背可遮兩中人方嚴鯁亮沈塞果毅不苟訾笑不妄取予人望而畏之讀書數行下疆記無遺萬曆甲辰成進士臚唱第二授編修累官禮部右侍郎管少詹事克講官不造請權要不徵逐遊燕館閣有大議矯厲發譚往往一言定聚訟神宗末東宮有挺擊事獻者以瘋顛了閣臣猶豫諮之承宗曰事關東宮不可不問事關皇宮不可深問閣臣以為然獄以定獻者聞而銜之克講官不許閣臣改講章每進講輒為熹宗悅納遼東邊事起推承宗兵部右侍郎主邊計旋拜尚書兼東閣大學士仍知中樞具陳切要侃侃碩謀奉命視關排王在晉築重關為退守議經略缺承宗自請督師帝大悅以孔孟裴度方之至關周歷內外出奇制勝恢地四百里卻敵七百里以戰為守邊燧無烟上遣中官齎帑金蟒玉軍器勞賚之承宗疏謝且奏不遣大臣而遣中官將士疑慮諸璫所至責守將戍卒拜迎隳士氣時魏璫方勦內操遣其黨來有觀軍容之意故逆折之也後請裁總督分任兩撫朝議祀之承宗偕叅謀鹿繼善巡邊至薊

昌疏請入賀萬壽節欲面陳邊事破朝臣蔽塞魏廣微以晉陽之甲聳魏璫夜半矯旨止之臺省希璫旨撓邊事不已承宗抗章求去遂歸里未幾璫敗而餘黨猶未除也崇禎己巳京城告急詔起承宗于家星夜趨闕帝欲倚以守京城璫黨修前郟不欲留夜半促赴通州承宗偕茅元儀十三騎夜穿敵營危不可測抵通議守禦人心始定復四城撫忿將宗社以安復加官廕賜力辭之承宗方用總兵馬世龍為大將兵部尚書梁廷棟郎中丘禾嘉素不悅世龍摘事難之尋且用禾嘉為遼撫掣其肘承宗知權要冒嫉連章求罷馳驛以歸承宗兩秉兵柄功多省費苞苴不行竿牘無效中朝忌嫌不顧也前後條議百餘疏据古揆時思深慮遠忠憤溢楮智勇習人而議者於其既去猶追論矯旨復城以致長山之敗欲中以危法帝不許命冠帶問佳承宗陳謝附上薊遼機宐十六事以白老臣報國未已之心家居列書為幄訓課子弟嬉笑咳唾皆成文章偶一落筆典與閱行前無古人書法龍跳虎臥人得數行奉為拱壁戊寅高陽城

破不屈兵以弓絃縊殺之歿旬日面如生事聞復官予祭葬承宗嘗曰先帝以漢武鄉唐晉國儼我我則何敢成敗利鈍非所逆視生老病歿時至則行庶幾竊比于二公乎所著有文集一百卷奏議三十卷督師全書一百卷督師事宜十八卷車營百八扣一卷歷官舊紀四卷撫裔志十卷高陽縣志十四卷前督師紀略十六卷後督師紀略十卷邑祀鄉賢永平祀名宦康熙十六年同鹿忠節善繼孫徵君奇逢入郡鄉賢祠

成基命

字靖之避廟諱以字行大名人萬曆丁未進士改庶吉士授編修累官吏部侍郎時

魏忠賢已用事都御史楊漣糾之得嚴譴黃門北寺獄與有指基命為漣黨者逆奄大銜之或為之謀曰南樂相公公姻戚也一語可解基命笑而不答遂以侍郎出掌南翰林院再疏請告不允比赴留都奄矯旨奪其官崇禎御極起吏部右侍郎未幾榆關報警上召至平臺咨方略基命薦舊輔孫承宗才兼文武可任典兵上從之旋拜禮部尚書入閣辦事東兵薄城袁崇煥

率大帥祖大壽入援上召至平臺數崇煥罪狀命錦衣衛逮之為反問所中也基命叩頭乞慎重者再上不悟復叩頭曰敵在城下非他時可北上見其狀急遽曰卿慮亦是朕意已定不必言上退以茶盒賜輔臣首輔韓爌將啖之基命憮然曰此何時先生尚欲食耶我輩寧即引決不忍見國勢至此快快而出明日遼東兵潰擁其帥而東舉朝惶駭基命請以崇煥手札招之又請諭六科不必以議論掣任事者之肘上嘉納之時上重漣事議用勲臣督漣而諸勲遂紛出削軍蠹漣基命具以聞上為報罷一口上御文華殿謂輔臣曰近來法紀廢弛力宜振刷基命曰治道第宜去其太甚譬理亂絲宐覓頭緒驟用紛更恐益撓亂上曰慢則糾之以猛何妨基命默然後溫體仁果借之行其慘刻人始服其言首輔韓爌次輔李標俱去基命獨留東兵尚在畿內兵部尚書梁廷棟謀更置大帥馬世龍將以撼承宗也基命力破群議從中調劑得已世龍卒奏遵承宗之功又請用三鎮重臣范景文侯恂解經傳治兵以固根本以壯聲援又念

兵部主調發四方兵將多驕蹇不廷請以中樞大臣一人親提勁旅以彈壓驕悍上即允行因原兵入援而噪基命密奏留選萬人資調遣餘給郵還鎮令鎮臣捕首誦者正法驕卒稍戢上方銳意精嚴大小臣工相繼就繫如尚書張鳳翔喬允升胡應台韓繼思等基命為反復申理俱得從寬典御史李長春給事杜齊芳以發私書輒令誅歿基命上疏救之不報乃長跪會極門謂祖宗之法雖罪當誅必三覆奏豈有詔獄一訊遽為處決者長跪自辰至酉上意解俱得謫戍無何主事李逢申以炸炮擬遣上令更從重擬基命謂刑律非辟即遣永遣已重矣逢申文墨書生未諳約束以致違誤非有他也戍之外無可加上從之逢申曾劾基命而基命絕不念舊人服其量庚午偶病不能入直上遣中官就榻決機密病劇乞骸骨歸後六年卒贈少保謚文忠

王家楨

字正之長垣人萬曆時丁未登進士第筮仕刑部主事陞戶部郎中後陞德安知府

首頒五約身先率屬節愛靡所不至歲大飢行荒政十七策發郡邑儲粟活飢民數萬陞副使分守荆西道顯陵守備內瑞多行姦宄家楨執其渠魁寘之泐擢神木道叅政神木地當邊衝烽警無虛日家楨建堞築堡選鋒厲械嚴埃戒烽繕甲遴馬一鎮遂成金湯調分巡冀北道是時雲鎮表貢不進者五年家楨親歷其部詰責之諭以朝廷威德表貢如初尋陞都察院僉都御史巡撫甘肅銀定等部入犯家楨授方略出奇兵擊之三戰三捷時魏璫焰熾中外建祠獻眉士民以請家楨叱不許九邊報捷率頌璫功甘鎮三奏捷無一言及之璫憾甚召為督理錢泐戶部右侍郎捫倉塲事既而部堂多以故去家楨捫四部篆戶部庫藏如洗家楨宵晝焦勞常數旬不歸私第及平臺召對侃侃數百言悉蒙嘉納宣付史館會寧遠兵課餉司以缺餉致變劾及家楨坐是落職丙子起兵部左侍郎時烽火照都門兼程叱馭義不返顧至則命以兵部左侍郎兼都察院右僉都御史總督七省軍務兼巡撫河南時七省以兵餉請者如蝟撫屬

簿書盈几焦勞徹晝夜疾作疏五上允回籍調
理甲申國變緝紳有問策者答曰事若不測惟
有起義歿節二者而已未幾賊攻長垣諸子環
蹠請避家楨不許曰不能以一旅拯國難歿何
足贖僞令至約衆謀誅之

鹿善繼

字伯順定興人賦形瓌偉少卽嶷然無溫
飽意諸生時布袍艸履謁邑前輩范一泉

語次以做人爲柄大佩服之萬曆癸丑登第主
戶部山東司事與其僚袁世振籌天下鹽法議
皆不刊丁內艱以籽粒爲邑百年害爲之籌十
載經百折竟得改折征起補河南司主事會遼
餉告急廣東金花銀適至奮然持議發遼神宗
震怒鐫級謫外大臣臺省力爭不報逕歸泰昌
御極首復其官尋改兵部職方念時事孔棘大
法不伸廢心疾首率同官耿如杞等代大司馬
崔景榮艸疏語激烈御史馬逢臯劾以小臣無
忌憚疏辯卽日出署詔趣還部未幾從孫承宗
閱榆關師時擬用爲銓部力辭與承宗密書恢
遼疆四百里車營成承宗決策渡河同善繼入

奏時魏瑞新竊柄有言承宗且興晉陽甲者瑞
患謀滅兵以掣之承宗得請予告善繼亦罷崇
禎改元誅瑞召爲壘卿懷陶潛歸來圖以登車
曰不敢負也旋擢少奉常管勲丞事巳巳冬東
師西下善繼建議起承宗于家出馬世龍于獄
懸將印卒以復城清塞有短狐欲射之引疾歸
與同志講學江邨夷然不屑也其學從餘姚折
衷伊洛出入朱陸歸宿於做人一言以做人爲
人生根本以希賢希聖希天爲做人規模以正
心誠意爲做人把柄以知恥爲做人機竅以視
聽言動爲做人所藉以通天下之意實踐神嘗
奉承殷爲自壞其人者又一意實踐神嘗內守
不屑屑與古今人角同異滋議論丙子殉城贈
大理卿子祭奠廕一子

李國楷

字元治高陽人萬曆癸丑進士改庶古士
授檢討累拜詹事學士克經筵日講官以

講書經稱音邀寵注拜禮部尚書兼東閣大學
士時閣人魏忠賢竊弄威福中外競相媚事國
楷嶄嶄中立負不絕俗瑞外憚而中忌之爰立
之命實出熹宗特簡宣制時瑞人相顧錯愕國

楷亟上疏懇辭帝不許于是拜命入政府期於
 遇事周折用歸于正忠賢欲敘邊功合諸營建
 捕緝勞三進九錫可徵王封國楷極言恩不宐
 濫瑞意不得行嗣忠賢矯詔建坊于里且鐫忠
 臣印勒天下概為祠國楷力持不可而寢及熹
 宗馮几顧命承諭傳皇五弟乃大聲宣揚頃刻
 由禁中遞達轂下用絕非常熹宗太漸瑞矯遺
 詔以忠賢首受顧命國楷削之曰柰何當此際
 致主上亂命乎崇禎帝即位雅知國楷有委曲
 維護功一意倚之為重凡大典冊悉出其手未
 幾忠賢伏誅黨人株連者甚眾命國楷同定逆
 案俾無冤濫事訖奏曰先帝拔臣為講官曾力
 辭成命嗣感人言謬謂澆淖與居或可挽救一
 二不謂忠賢凡不得于票擬者輒假上諭以行
 外間安從得知今幸陛下削除滌蕩世界一新
 廻想臣曾待罪台司上之不能如申屠嘉之困
 鄧通韓琦之斥任守忠次之不能如蕭望之之
 死于弘恭陳蕃之歿于王甫雖俳側城社熏灌
 力窮而一年之內猥偷與居虺蛇與處人非鬼
 責無地自容乞亟賜罷免以白臣心帝曰卿忠

范景文

字夢章吳橋人萬曆癸丑進士授東昌府
 推官署其門曰不受囑不受謁人呼為二

清端亮善為調劑誠然砥柱况始終無阿心跡
 甚明可為首輔機衡重務朕今悉以委卿遣官
 敦趣入直國楷念帝銳意明作凡所興釐正宐
 懲于已往杜漸防微條次數事以上又請優恤
 楊漣等皆見採納復六上辭疏帝為感動允去
 予告恩禮近代所希歸而以得侍尋為快立家
 廟置義倉訪少年同學為白洋葛山之遊居五
 六年而卒朝廷震悼予祭葬贈太保謚文敏
 不公擢為吏部主事上典選一疏亟革弊政時
 魏忠賢黨羽正以吏部為外府見其疏大恨之
 周順昌以黨禍被逮銀鐐就北司獄誣昧數千
 景文洗橐代納冀脫其死風聲所播幾及于禍
 弗恤也崇禎御極擢右僉都御史巡撫河南既
 聞邊圉不戒京師震動景文不待詔命帥師入
 衛上使人慰勞之加兵部右侍郎團練通州兵
 丁內艱歸起補南京右都御史掌院事尋陞南
 兵部尚書時流寇自豫趨廬自鳳趨池又自和
 趨浦南兵八萬人堪戰者不滿萬景文定營制

後浦人勿下

勲節名臣

簡家丁治樓船兵器壁壘一新時楊嗣昌以本
 兵擅國柄方以和撫塗飾目前景文每嘆曰賊
 勢日橫國事日蹙乃徒為掩耳盜鈴之計為人
 臣子何忍至此乎嗣昌父歿奪情視事詞臣黃
 道周執義爭諍科臣何楷等連章糾劾上震怒
 罪謫累景文抗疏力掄上益怒命褫職旋起
 刑部尚書改工部甲申二月以原官拜東閣大
 學士時寇氛孔棘廷臣或請出幸召公卿集議
 東閣景文曰聯絡人心堅守待援此臣所知它
 非敢議帝泣下曰先生言是也國君歿社稷朕
 豈有他念哉三月十七日賊薄都下景文直宿
 閣中十九日昧爽景文詣中左門覲宮人愴惶
 走詰之云王太監隨駕出矣景文知勢不可為
 隨趨朝房自經或救之因艸遺疏請恢復蓋以
 駕出必幸金陵也疏畢至演象所并傍望闕拜
 又望先隴拜語從者曰翌日收我遂投井歿四
 日始殮顏色如生賊入其第蕭然無得嘆曰范
 閣老真清官禁其卒勿入所著有味元堂稿南
 樞志大臣譜
 武功編諸書

丁乾學

字天行宛平人萬曆己未進士選庶吉士

授檢討時魏璫虐焰日張乾學每退食拍案慷
 慨唏噓家人莫識其所謂壬戌分校禮闈孟兆
 祥許士柔皆所取士甲子典試江西得士如艾
 南英黃端伯袁繼成皆文節大儒事竣上試錄
 序悱惻激昂直以盜賊羗戎與閣豎並舉或為
 危之乾學曰詞臣無糾彈職吾之所以為此者
 真主上乙夜披覽萬一感悟爾不然傳之天下
 以當討賊羽檄忠賢不識字試錄率束之高閣
 即覽亦不省也其黨摘以語闈而忠賢切齒必
 欲置之死俄而南台糾試錄者故乾學僕也冒
 賢矯旨奪其官奸黨高守謙序語譏上公者忠
 錦衣籍索貲為之地乾學叱之去明日糾黨假
 緹騎直闖其室乾學不辨其為假也俯就逮語
 尤倔強羣惡怒狂毆亂下至身無完膚骨寸寸
 裂遂卒崇禎初守謙伏誅餘黨遣戍贈侍讀學
 士

余繼登

字世用交河人萬曆時進士選翰林院庶

註解以進多引切時政會大內火偕講臣上章

引劉向不學道厥妖火焚官以諫累擢禮部尚

書雷擊太廟樹上言曰弭災以實不以文今所

謂修省者皆文耳不郊祀不廟享皇長子不婚

不冠不冊立礦稅日亟祖宗寧無望于陛下乎

此時而泄泄循修省之文欲以應變回天豈可

得也是年秦晉齊地震南都雷火西寧鐘不擊

自鳴紹興地出血繼登復上言曰古人云天視

聽寄於民百姓苦於征調催權織造開採各欲

以情訴於上而不可得惟有仰而呼天耳天不

言故以變異譴告之昔漢臣徐安以民困主不

恤下怨上不知為有國之戒伏願以愛民實心

為應天實事罷諸弊政以弭天變疏入上溫旨

答焉播州酋楊應龍叛徵諸路兵討之繼登力

請罷四川礦稅以佐兵食寬民力不報九月太

白經天道山崩湧出土山五繼登復上言天不

和寒暑隔人不和贅癘生地不和土阜出方今

星躔失度水旱為沴太白晝見甚且經天此天

氣不和也鑿山開礦裂地求砂以至地不能固

脉而山崩金不能生水而川竭神不能奠維而

地震此地氣不和也閭閻窮困加以必不能止

之誅求帑藏空虛責以必不能辦之珠寶奸民

蟻聚中使鴟張世變如亂絲民命如累卵中外

太隔上下不交此人氣不和也辰氣凝而不散

怨毒結而成形陵谷變遷高卑易位是為陰乘

陽邪干正下叛上之象夫群臣者陛下之子也

子不能動君父言愈數愈厭陛下者天之子也

天以非常之變感悟陛下尚可恬然不為意乎

請皇長子選婚疏凡九上正席南宮疏請建儲

及行冠婚禮疏三上即病肺咯咯不休猶伏枕

草疏每談國事潛然流涕曰大禮不舉禮官死

不瞑日庚子春諒旨將有事於東宮趣禮部具

儀時已病甚扶掖起視事已而病劇數乞歸不

允卒于官計聞子祭葬贈太子少保謚文恪所

著通鑑進講錄五十卷國朝

典故紀聞十八卷行于世

劉道亨

字時濟新城人萬曆時進士授安陽知縣

張

朝廷援祖訓並立三王道亨極言元子無封王
之條束宮無待嫡之例義正詞嚴以憂歸服闋
補更垣時蘭谿執政諸司事多阻撓道亨抗疏
云尺穀必擇良工金甌乃託匪類請亟罷志臯
人傳誦之又効輔臣尸位結黨亂政行私且云
開礦今日一大弊政府不聞密揭固爭乃向各
礦索丹砂以資燒煉以好貨之名歸于
君父疏入不報無何謫樂清縣主簿

張棟

字士隆安肅人萬曆時進士授渭南令遷
兵曹主事司餉榆關時日本內訌有主和
議者公力爭不可轉蘭州兵備副使招徠叛丁
吏以為神錄功晉叅藩萬曆已亥播逆陽張黔
蜀大用兵不能平特命棟監其軍凡制府戲下
悉以付棟棟抵重慶偵邏精密于六月五日致
討撰巖剪箐盞弧先登軍士皆殊死戰播酋瓦
解殲其渠魁露布以聞棟環甲兩日夜勺水不
入口炎天瘴癘病劇垂絕猶呼日殺賊殺
賊旋卒朝廷震悼贈太僕寺卿廕一子

郭增光

大名入萬曆時進士授金鄉令調萊陽邑
劇賦煩民率逃入增光力請蠲復流移盡

侯拱辰

大典人尚壽陽長公主掌宗人府事五十
餘年凡所諫言皆慷慨切直萬曆中青宮
久虛廷臣擬上疏莫敢首署名者拱辰毅然曰
會典以宗人府為文職第一願首署名至冊封
代王與挺擊獄起拱辰據經引義

張鵬翀

字襟溟東鹿人天啟壬戌進士與同門黃
道周倪元璐相友善令確山整郵驛救饑

祖

民確人頌之時璫燄張甚節鉞皆私人鵬翀齟
齟之遂中乙丑計典右官應天學博轉國子監
學正旋晉民部以憂去服闋補原官司餉著績
尚書侯恂薦陞兵備睢陳道鵬翀練勁卒六千
入自傾家產蠲俸瞻之身督數十戰平三大寇
境內以安又改互鄉名曰潔已創與言書院以

後甫人勿忘下

卷之三十三 勲節名臣

正其俗甲戌以後豫中寮采半虛鵬翀兼攝五

篆神智愈茂薦墨妮妮推巡撫者再時門戶正

路振飛

字見白曲周人天啟乙未進士初知涇陽

止舉卓異擢御史常勒觸奸指佞不黨不阿八

字佩之劾權輔周延儒溫體仁等聲震一時初

按閩授計破海寇有功再按吳疏陳布解白糟

漕兌收銀差役五弊及遼米載入淮單事多允

行坐申救瞿式耜等謫檢校起歷總漕都御史

值闕賊陷京師勒兵戰守力捍江淮忠憤未遂

間關以終奠吳門吳人建祠祀之居鄉修學

宮置書院立義田里人感德亦為立祠焉

傅永淳

字熙宇靈壽人天啟時進士筮仕湖廣房

院四區擇俊秀日與說經開三十六堰溉田數

萬畝復計降寇渠籍之為兵擢侍御史時三黨

角立各援宦寺為助淳屢章彈劾黨人啣之適

流寇橫發乃舉淳按秦實擠之也巡撫都御史

李喬者儒不知兵徵諸將不如約淳列狀劾之

按部卻陽賊數萬薄城下淳率士民堅守持七

十餘日賊少懈乃密檄邊兵五千人擇三千夜

啟北門入留二千伏城外賊未覺旦復來攻淳

開三門受敵令城中兵突出銳矢交發殺賊無

算外伏亦起夾擊轉戰三日大破之斬首千餘

級奪回婦女資畜悉察復其家都御史陳奇瑜

賜劍督兵三十萬專辦賊奇瑜入關賊西走棧

道馳漢中會霖雨浹月淳謂奇瑜曰賊鎧潰械

上御弘政門召諸大臣問弭盜策淳請重督撫之權撤監視之遣從之未幾拜吏部尚書引疾乞歸甲申聞變携家浮海島順治元年徵至都以太疾辭歸山居二十年八十二歲卒

陳居恭

字元禮安肅人以武舉承伯父廕官左軍都督府都督僉事掌錦衣衛都指揮使事

時魏璫擅權用私人假錦衣官旗名色權礦稅多不法事居恭疏糾之遣戍者十餘人及申救建言被放諸臣並劾魏璫三大罪罷歸崇禎初錫環堅以疾辭時論重之尋廷推起掌金吾不起居鄉有平糶掩骼諸善事人為尸祝詳見吏部張羅彥所作墓誌中

吳孟明

山陰人以錦衣衛籍居京師天啟中逆閹魏忠賢用其私人許顯純掌詔獄孟明適

為之副羣小構大獄以陷正人每出片紙所署名姓累累孟明從容語顯純連染太多于鈞黨者則快盍亦自為他日地乎顯純定爰書坐贓皆無先縱舍幾四十人又佐顯純定爰書坐贓皆無左證豫為昭雪地羣小調知之喉奄逐孟明去大獄遂成崇禎初以都指揮使掌衛事內閣大

學士溫體仁以票擬相左劾同官文震孟罷之惡鄭鄮與震孟素善欲並除之疏糾鄮迫父杖

母大不孝下錦衣逮問未幾體仁病事遂解兵部尚書楊嗣昌奪情視事侍讀黃道周糾之上

召對嗣昌言鄭鄮杖母不孝道周自謂其不如鄮其人可知上怒道周欲與鄮並殺之因責孟

明不即具獄孟明言鄭鄮杖母臣歷訪無實罪不至死且引協理陸完學御史王章為證上謂

為黨庇褫職當上怒時傳聞不測孟明處之泰然曰此身不灰于逆璫而灰于聖朝之前固無

憾也人益重之

袁

蔡

字向一東明人生而穎悟稍長苦心緝學為文雄駿古傳自成一家言崇禎辛未成

進士授山西夏縣令廉不受一錢而剔梳不遺餘力政行而民化之流賊薄郊關設制發伏斬

其謀賊宵遁夏人以公為命而洪洞劉御史令譽者素才公陰白當道調其邑夏人號泣走二

千里叩闕乞留不報洪洞役來迎夏人匿輿馬于學舍與格鬪擁署不得行去之日傾城父老

隨車送有頌者有詈者頌者頌者頌也詈者詈洪
 洞人也行十五里至司馬郎即溫公故里士民
 盈千橐鞬排車騎奪蔡入其堡留不發越七日
 蔡以理耐解之會上官亦遣郡倅來耐獎民始
 送之行治洪洞如治夏未幾以母夏將歸洪人
 留之如夏人至有抱蔡荒年所收養棄兒百數
 一乞姓袁目乞名去服除補山東壽光令慈
 惠不勝而風力有加因其地也匪歲請終養壽
 光人願以婦子昇蔡父來邑就養不允遂歸卒
 之後三邑尸祝里人亦祝之瞽宗或曰四處芳
 薌公將誰享或曰筮之得易之
 家人卦眾喜曰公不忘故鄉也

國朝

劉廷諫

字良哉通州人萬曆己未進士授刑部廣
 西司主事吏有以假印冒罪者株連械繫
 三十人八人大司寇議概予立枷廷諫請別真偽
 免焚者三十三人陝西民首韓宗功等數十人
 為奸細三法司悉議辟廷諫曰廷尉天下之平
 若但據首詞遠律以叛何平之有副都御史楊

漣然之行令原籍察實及陝西察覆至得釋者
 眾調吏部郎中淮安武舉陳啟新上書請廢制
 科罷行取疏下部議廷諫歷言其謬得以不行
 崇禎時兵部尚書缺上屬意楊嗣昌眾迎合之
 時嗣昌丁憂在籍廷諫曰帝王以孝治天下不
 可破例傷化眾不從廷諫疏奏云守制乃天地
 常經奪情為國家創典往時雖有楊博故事然
 彼在右衛被圍之時此在戎馬既退之後彼履
 行間此係中樞時既不同所處亦異伏冀于廷
 臣內別簡一人留嗣昌為異日之用疏上上竟
 用嗣昌前後在吏部二十年以耿介
 見泥不調申甲徵拜僉都御史卒

袁懋功

字九敘香河人順治丙戌進士特授戶
 科給諫歷掌刑垣建白多關大計晉太常
 卿累拜吏戶刑三部侍郎所在以敏慎著稱順
 治庚子滇中初定

世祖章皇帝

特簡懋功為滇撫召對稱旨
 賜袍馬及帑金三千兩俾治裝許以叅將一員
 隨贊戎務悉出特典懋功至滇思信周布民
 慶更生時吳三桂方恃功驕蹇懋功沉靜恬和

後補入勿忘下


六之三三三勲節名臣三

力能消其悍氣三桂部曲無不愛重之以是得
 行其撫綏實政條上便宜以千百計事皆允行
 撫滇九載遠徼以安丁父艱歸踰年服除會山
 東巡撫缺復詔懋功往瀕行恩禮隆渥撫
 山左無異撫滇時而精敏有加未幾浙撫范承
 謨以病辭承謨撫浙有聲難乎其繼廷議移
 懋功代之山東父老聞命瘡惶叩關請留
 會浙人亦請留承謨上感動兩許之時懋功
 已積瘁發疽沉留後力疾視事未幾卒民哭聲
 震泰山計至五上震悼者久之予祭葬甚優謚
 清獻

劉捷 字玉壘大城人順治丙戌進士釋褐後
 江北新入版圖民多失業守令亟供億催科嚴
 迫往往徙去其鄉捷首請緩徵輸勸蠲俸以拯
 災岷而流移報返業者所在多有會大計撫按
 糾舉不以實捷輒拾遺論之所劾有與援案治
 者故脫之且反噬言官捷以是獲嚴譴家居十
 載孝事父母謝客長齋潛心古學不問戶外事

癸巳以台省交薦起復原官明年典試福建役
 竣報命會詔令內院選京官自侍郎以下學
 優經濟者出任藩臬監司練習民事捷與選擢
 為按察副使分巡平陽道平陽晉饒郡守令率
 以貲博上官權監司體陵替捷至絕苞苴謹嘖
 笑榜其門曰存心似水執法如山貧殘者率解
 綬去人不致干以私騶從每出民爭避之曰勿
 犯小包家居一載遷河南叅政去之日檢其囊
 僅七金撫按津津稱其廉御史高爾位首刻之
 尋擢湖廣按察使未幾即擢右布政使三省大
 帥會師剿楚西山鉅寇日需芻糗數十萬悉取
 辦旦夕督撫以屬捷楚民苦運餽多中途棄餉
 而逸捷躬督之山險阨不容騎步屨先趨攀藤
 緣谷履穿衣裂寢食荒榛茂莽中民感其勞負
 運競赴士馬飽騰寇竟以殲丁憂歸再補江西
 布政使癸丑入覲聞滇黔逆作以蹂楚湘虐熾
 及江表捷星馳赴豫章而寇已犯吉安矣南昌
 兵民爭欲逃匿致聞巡撫門勢涸涸叵測捷夜
 單騎往諭之乃解日供億師旅脩極艱劇先是
 捷于途次已聞內擢之命乃絕口不言去迨代

者至始北發趨闕拜太常卿職司祀典以恪
 勤著稱踰年遷左副都御史尋轉吏部侍郎樞
 以積勞下血不克卽受事不一月拜刑部尚書
 皆異數也疏辭不允勉出視事病益劇上章乞
 歸上溫慰允去抵家二
 十日卒予祭葬謚曰端敏



[Faint bleed-through text from the reverse side of the page, including characters like '予', '祭', '葬', '謚', '曰', '端', '敏']



